

710
24/05/02

ପ୍ରବନ୍ଧ-ମାଳା

ପ୍ରଥମ ଖଣ୍ଡ : ପରିଶିଷ୍ଟ-୧

କାଳୀ ପ୍ରସାଦ

ଦ୍ଵିତୀୟ ସଂସ୍କୃତି କେନ୍ଦ୍ର
କଚୁଧରମ : ଚେଂକୁଡ଼ି : ନିଳଚର-୨
୨୦୦୦

THE UNIVERSITY OF CHICAGO

LIBRARY

1900

1900
1901
1902
1903

ପ୍ରବନ୍ଧ-ମାଳା

ପ୍ରଥମ ଖଣ୍ଡ : ପରିଶିଷ୍ଟ-୧

କାଳୀ ପ୍ରସାଦ

ଦ୍ଵିତୀୟ ସଂସ୍କରଣ କେନ୍ଦ୍ର

କଟକ : ଚେଂକୁଡ଼ି : ଶିଳଚର-୧

୨୦୦୦

ମାମୁ-ବୁଢ଼

ପ୍ରଥମ ସଂସ୍କରଣ : ୧୯୫୫

ମାମୁ-ବୁଢ଼

ପ୍ରଥମ ସଂସ୍କରଣ : ୧୯୫୫
ମାମୁ-ବୁଢ଼ : ୧୯୫୫

୧୯୫୫

প্রবন্ধমালা : প্রথম খণ্ড : পরিশিষ্ট -১

সূচীপত্র

ক্রিয়াত ছ-ব্যবহার—	৭৭
আধুনিক রাসকীর্তনের ধারা—	৯৩
বিষ্ণুপ্রিয়া মণিপুরী বারো চাকমা ভাষা—	৯৯
বিষ্ণুপ্রিয়া মণিপুরী এলার শুর—	১০৯
রাস-রাখুরাল - কীর্তনের ভাষা—	১১৫
কুমলীলাগীতির ভাষা—	১১৭
রাস-কীর্তনের ভাষা—	১১৯
বিষ্ণুপ্রিয়া মণিপুরী সাহিত্য ব্যাকরণ বানান সম্পর্কে	১২৭
ক্রিয়াত ছ-বর্ণের ব্যবহার	১৩৭
‘মণিপুরী’-শব্দত মেটতেই—	
বিষ্ণুপ্রিয়ার সমান অধিকার—	১৪৩

६-५ श्रीगणेशाय नमः ॥ ॐ नमो भगवते वासुदेवाय ॥

आविर्भाव

११	— आविर्भाव-संज्ञा-आविर्भाव
२२	— आविर्भाव-संज्ञा-आविर्भाव
३३	— आविर्भाव-संज्ञा-आविर्भाव
४४	— आविर्भाव-संज्ञा-आविर्भाव
५५	— आविर्भाव-संज्ञा-आविर्भाव
६६	— आविर्भाव-संज्ञा-आविर्भाव
७७	— आविर्भाव-संज्ञा-आविर्भाव
८८	— आविर्भाव-संज्ञा-आविर्भाव
९९	— आविर्भाव-संज्ञा-आविर्भाव
१००	— आविर्भाव-संज्ञा-आविर्भाव
१०१	— आविर्भाव-संज्ञा-आविर्भाव
१०२	— आविर्भाव-संज्ञा-आविर्भाव
१०३	— आविर्भाव-संज्ञा-आविर्भाव
१०४	— आविर्भाव-संज्ञा-आविर्भाव
१०५	— आविर्भाव-संज्ञा-आविर्भाव
१०६	— आविर्भाव-संज्ञा-आविर्भाव
१०७	— आविर्भाव-संज्ञा-आविर्भाव
१०८	— आविर्भाव-संज्ञा-आविर्भाव
१०९	— आविर्भाव-संज्ञा-आविर्भाव
११०	— आविर्भाव-संज्ञा-आविर्भाव

বিষুপ্রিয়া মণিপূরীক : দশতান মন্ত

১। নিজর জাতর পরিচয় দিতে—নিজর জাতর পুষাক পিধিয়া বাহিরে নিকুলতে লাজপানি বারো মিয়াঙর ভাষাকৃষ্টি পুষাকর অনুকরণ করিয়া গৌরব বোধ করানি—এতা অতি লুকাও বারো মিতুল জাতর মিতুল স্বভাব। বিশ্বজাতর মুণ্ডে মূর তুলিয়া উবা অ'নিরকা স্বভাব এতা একাকারগাই ঘৃণা সহকারে পরিত্যাগ করো।

২। মিয়াঙ মাল'নিত হাষ্টির গজে অ'ছি জাত এহানর যুবসমাজর ভিতরে দেখা দেছে মিয়াঙ নিঙোল বিয়া করানির প্রবণতা এহানে আকবেদে জাতর ভাষা-কৃষ্টি-রীতিনীতি হাষ্টির বিনষ্ট করাত, আরাক আকবেদে আমার শিক্ষিত নিঙোলর বিবাহ সমস্যা দিনে দিনে বৃদ্ধি করে দেনাত উবা অ'ছে। আমার ভাষাকৃষ্টি রক্ষারকা, বারো শিক্ষিত নিঙোলর বিবাহসমস্যা সমাধানরকা এ প্রবণতা এহান একাকাই রোধ করো।

৩। যুব সমাজে লুপ্ত করে দেখা দেছে মাংসাহার বারো মদ্যপানর প্রবণতা এহান জঘন্য আশুরিকতাহান—যেহানে সমাজে হিংসা, মারামারি খুনাখুনি ইত্যাদি অপরাধর (crime) পরিমাণ বৃদ্ধি করতে বাধ্য। জাত এহানর শুদ্ধ, পবিত্র, সুন্দর রূপ এহান অটুট থনারকা এ প্রবণতা এহান একাকাই অক্ষুরগোত নির্মূল করো।

৪। যথাযথ জ্ঞান অর্জন না করিয়া মিথ্যা জ্ঞানর অহঙ্কারলো উন্নত অ'নি, নিজর অজ্ঞতারে পাণ্ডিত্য বুলিয়া প্রচার করানি, বারো ও অজ্ঞতারে গুড়িয়া থনারকা মহাজনর অভিনয় করানি—এতা অশিক্ষিত সমাজরে ঠকানির ফিকির; এসাদে ভণ্ডামি বা প্রবঞ্চনা আর না করিযো।

৫। ঈর্ষ্যাঘৃণালো মজিয়া থায়া অন্যর মতবাদ বুজানির চেষ্টা নাকরানি বারো ও মতবাদর বিকৃত ব্যাখ্যা বা অপলাপ করিয়া অন্যরে হীনপ্রতিপন্ন করানির প্রচেষ্টা এতা জঘন্য, নীচ, লুকাও মানসিকতা; এতাত ডুবিয়া নাথায়ো।

৬। (ক) নিজৰ সম্পূৰ্ণ কৃষ্টিহান কচিসম্ভৱত এবং বসামুখকুল
মাতৃভাষালো প্ৰসাৰ কৰো; (খ) ভগবানৰ জীলাগীতি, ভজন, ভক্তি-
মূলক সঙ্গীত এবং বীৰদ্ব্যাজক সঙ্গীত এতা সংস্কৃতযেবা মাতৃভাষালো
প্ৰসাৰ কৰো; (গ) মণিপুৰী নৃত্যৰ যথাযথ অনুশীলন কৰো; এ অমূল্য
সম্পদ এহান মানুহাও এৰাদিহা বয়া নাখাযো; (ঘ) সংস্কৃতিসেবী
ইসালপা ডা'কুলা ইত্যাদিৰ যথাযথ আৰ্থিক মূল্য দেই।

৭। সামৰ্থ্য- অনুযায়ী ব্যবসা-বাণিজ্য, শিল্প—বিশেষ কৰিয়া বয়ন-
শিল্প, শুনঃৰি কাম, মেস্তৰি কাম ইত্যাদি কৰ্ম বৃত্তিলো ৰূপা কামেই;
এতা লাজ পানিৰ কাম নাগই।

৮। **ৰাজনৈতিক** শক্তিলো শক্তিমান অ'নাৰ চেষ্টা কৰো এবং উ
উদ্দেশ্যে ৰাজনীতি কৰানিৰ কৌশল বাৰো দক্ষতা অৰ্জন কৰো।
অহঙ্কাৰে মত্ত অ'য়া হাবিয়ে ৰাজনৈতিক নেতা অ'নাত গিয়া যোগ্য
মানুহৰ পথ বুদ্ধ নাকৰেদিহো।

৯। তুমার গৌৰে সৰ্বভাৰতীয় ভাষালো শিক্ষা গ্ৰহণ কৰুৱেই;
সময়ানুবৰ্তিতা (punctuality) বাৰো নিয়মানুবৰ্তিতা (discipline)
শিক্ষা দেই; স্থানে স্থানে গুহাগাৰ স্থাপন কৰিয়া তামুৱে দেশবিদেশৰ
প্ৰাচীন বাৰো আধুনিক সাহিত্য, সংস্কৃতি, ইতিহাস এবং জ্ঞানবিজ্ঞানৰ
লগে পৰিচয় কৰেদেই; বাৰো বিভিন্ন দিকে তামুৱা প্ৰতিভা বিকাশ
কৰেদিহা তামুৱে বিশ্বৰ দৰবাৰে পাঠুৱা দেই।

১০। লেখনীচালনাত দক্ষ তামুৱে মাতৃভাষালো নিজৰ সাহিত্য সৃষ্টিৰ
লগে লগে দেশবিদেশৰ সাহিত্য, সংস্কৃতি, ইতিহাস এবং জ্ঞান
বিজ্ঞানবিষয়ক গ্ৰন্থ বাৰো পত্ৰপত্ৰিকা প্ৰকাশ কৰো; বাৰো হাবি
জন সাধাৰণে যথাযথ আৰ্থিক মূল্য দিয়া এ গ্ৰন্থ বাৰো পত্ৰপত্ৰিকা
এতা জিহতা কৰিয়া থনাৰ এবং ঘৰে ঘৰে এতাৰ অনুশীলন
কৰানিৰ ব্যবস্থা কৰো।

দিব্যশ্ৰম সংস্কৃতি কেন্দ্ৰ

কচুধৰম : চেংকুড়ি : শিলচৰ-৭৮৮০০৭

ক্রিয়াত ছ-ব্যবহার

১। ভূমিকা

ক্রিয়ার বানানর ব্যাপারে বর্তমানে মতভেদ আহানির সৃষ্টি আছে। আছে, আছে, খাছে, পাছে, অছিল, আছিল, খাছিল, পাছিল—এসাদে ক্রিয়াত ছ-বর্ণ ব্যবহার করানি এখানেই সার্বাঙ্গী প্রতিহান। কিন্তু কুনো কুনো লেখকে এসাদে ক্রিয়া এতা স-বর্ণলো ইকরতারা; যেমন—অসে, আসে, খাসে, পাসে; অসিল, আসিল ইত্যাদি। ফলে ক্রিয়ার বানানর ক্ষেত্রে বিশিষ্ট আহানর সৃষ্টি আছে। আমি বিভিন্ন গ্রন্থত বারো প্রবন্ধত এসাদে ক্রিয়াত ছ-বর্ণ ব্যবহার করানি এখানেই বিজ্ঞান সন্মতহান বুজিয়া প্রতিপাদন করেছি। কিন্তু দন্ত্য-স-বাদর প্রতিষ্ঠাতা গিরকগাছিয়ে তানুর পাণ্ডিত্যর ভাবমূর্তি অটুট থনারতা নীচের ইমে তানুর মত উহানলো চলেছি। অবশ্যই তানুর অনেকে ছ-বর্ণর যুক্তিযুক্ততা হারপেই তারা। কিন্তু ইঠাং মত-পরিবর্তন করতে তানুরতা লাগ হমার। দন্ত্য-স-বাদীর হানিত ডাঙর থিয়োরিহান অইলতাই—‘ধনো এগোতে আমার সংঘর মুকছিগো; গতিকে তার মত এহান ইমে চুম বুলানি লাগতই। বারো গিরি এগোতে হোতার সংঘরগোনা; স্মতরাং তার মত উহান ইমে ভুল বুলানিয়েই থক।’ মূলে দন্ত্য-স-বাদর উৎপত্তি আছেতাউ সংঘবোধেও। এ মতবাদর অগ্র-স্থানীয় গিরকগাছির প্রায় হাবিয়েউ আগে ক্রিয়াত ছ-ব্যবহার করলাগো। ১৯৬৭-৬৮ ইংরাজীত ‘হো’-সংঘর হার-বো-নেই

৩৩ :— প্রবন্ধমালা, ১ম খণ্ড পৃ. ২৯; প্রবন্ধমালা, ২য় খণ্ড, পৃ. ৩৪; বিকৃতিয়া মণিপুরী ভাষাতত্ত্বর রূপরেখা, পৃ. ৫৩।

শৌ আঙুলিয়ে থিয়োরি আহানি নিকালাছিল হানতে
 তানুও তানুর পাণ্ডিত্য বারো সংঘর ইজ্জত বজায় থনারকা
 এ দন্ত্য-স-থিয়োরি এহান নিকাললাতা । দন্ত্য-স-বাদর যেতা
 যুক্তি তানু দেহেইতার। উতা হাবি বাহু কথা; আমল
 ঞুড়িগো আইলতায় হোগো । কিন্তু সংঘবোধ বারো ইজ্জত
 বোধলো সত্যপ্রতিষ্ঠা নার; সত্যপ্রতিষ্ঠা অরতা নিরপেক্ষ
 বারো বৈজ্ঞানিক গবেষনাত্ত । যেতায় সংঘর দায়ে বা ইজ্জতর
 দায়ে বৈজ্ঞানিক সত্য স্বীকার না করতার। উতা মিথ্যাচারী বারো
 প্রগতির পরিপন্থী । যেতাউ অক, আজি ক্রিয়া ত ছ-ব্যবহারর
 পক্ষে আমার বক্তব্য উহানি বারো পুলকরে মাতিক ; সতানিষ্ঠ
 গিরিগিথানিয়ে এ মতর যৌক্তিকতা য়াকরেদিলে আমার
 পরিশ্রমহান সার্থক অইতই ।

২। বিষ্ণুপ্রিয়া মণিপুরী ‘ছ’=সংস্কৃত ‘স’=ইংরাজী ‘S’

দন্ত্য-স-বাদীর প্রথম যুক্তিহান অইলতাই—উল্লিখিত ধ্বনি
 উহানি উচ্চারণ করতে সংস্কৃত বারো হিন্দী দন্ত্য-স-র-উচ্চারণর
 সাদে জুহান দাতে লাগের । সুতরাং এ ক্রিয়া এতা দন্ত্য-স-লো
 ইকরানি থকর ।

কিন্তু উচ্চারণর গজে নির্ভর করিয়া বানান লেপকরানির
 আগে বিষ্ণুপ্রিয়া মণিপুরী (বি. ম.) ভাষার উচ্চারণধারা,
 সংস্কৃত বারো হিন্দীর উচ্চারণ ধারা এবং এতার ভিতরে পরস্পর
 পার্থক্য উহানি হারপানি লাগের । সংস্কৃত উচ্চারণর লগে
 বি. ম.-র উচ্চারণ ধারার প্রচুর পার্থক্য আছে । সংস্কৃত
 উচ্চারণর ধারালো আমার বানান ঠিক করাত গেলেনা

প্রায় হাবি শব্দর প্রচলিত বানান বদলানি লাগতই । কিন্তু
 উহান করলে সংস্কৃত বারো অক্ষর সংস্কৃত ভাষার লগে
 বি. ম.-র মতক দেহেইতে বারো ঐ ঐ ভাষা শিক্ষা করতে
 অসংখ্য অসুবিধার সম্মুখীন অনা লাগতই । গতিকে সংস্কৃত
 বানানর আকার উতা যথারীতি থনা উহান নিতান্ত প্রয়োজনীয়
 হান । তবে সংস্কৃত বর্ণ উতা আমি কিসাদে উচ্চারণ করিয়ার
 উহান হারপেয়া ঐ সংস্কৃত বর্ণ উতার লগে বি. ম উচ্চারণর মিলন
 ঘটানি লাগতই । দৃষ্টান্তরূপে চেক—সংস্কৃত দন্ত্য -স বারো
 মূর্ধনা - য উতা আমি সংস্কৃত তালব্য -শ - র সাদে উচ্চারণ
 করিয়ার । গতিকে সংস্কৃত উচ্চারণর ধারালো আমার বানান
 ঠিক করানি অইলে সংস্কৃত আসন, ভূষণ, মহিষ, বাসক, রাস,
 প্রসাদ, সিংহ—এ শব্দ এতা আশন, ভূশন, মহিশ বাশক রশ,
 প্রশাদ, শিংহ এসাদে ইকরানি লাগতই । ঠিক উসাদে, সংস্কৃত
 বা প্রাকৃত ছ - বর্ণ এগো আমি সংস্কৃত দন্ত্য - স বা ইংরাজী
 S-অর সাদে উচ্চারণ করিয়ার । সংস্কৃত ছবি, ছাত্র, ছাত্রী, ছন্দ,
 ছাগী- ছত্র, ছায়া—এ শব্দ এতার ছ - বর্ণ এগো আমরাও
 সংস্কৃত বা হিন্দীর দন্ত্য - স - র সাদে উচ্চারিত অর । গতিকে
 সংস্কৃত বা হিন্দীর উচ্চারণ - ধারালো আমার বানান ঠিক
 করানি অইলে শব্দ এতা সবি, সাত্র সাত্রী, সন্দ, সাগী, সত্র,
 সাধা—এসাদে, ইকরানি লাগতই । সংস্কৃত শষ,স—এগিরে
 আমি তালব্য - শ - রূপে, বারো সংস্কৃত ছ - এগোরে দন্ত্য - স
 অর্থাৎ ইংরাজী S - রূপে উচ্চারণ করিয়ার—এ বাস্তব সত্য এহান
 মানিয়া নিলেগা এসাদে বানান বিভ্রাট নাহের । এবং যেহেতু
 আছে, আভে, অছিল, আছিল, খাছে, খাছিল—ইত্যাদি শব্দর
 ছ-এগো S- অর সাদে উচ্চারিত অর, এপেই ছ-বর্ণ ব্যবহার
 করলে পূর্বোক্ত বানান উতার লগে সামঞ্জস্য থার । ‘আসন’

বারো 'খাসে'—এ শব্দ দিয়োগিও দন্ত্য-স-লো ইকরলে বর্ণ আকগোরকা দিয়ো ফামে উচ্চারণ হুহান কল্পনা করানি লাগতই। উহানে, সংস্কৃত বারো অত্যাণ্ড ভাষার লগে সামঞ্জস্য থনারকা বারো উচ্চারণর সাম্য বজায় থনারকা উল্লিখিত ক্রিয়া উত্তাত ছ-বর্ণ ব্যবহার করানি এখানেই যুক্তিযুক্তহান।

দন্ত্য-স বাদীয়ে হাবিত ডাঙর বিশ্রাট হান আনেছিতা (ক) অছে, অছিল ইত্যাদি বারো (খ) আছে, আছিল ইত্যাদি—এ দিয়ো বরণর ক্রিয়ার ক্ষেত্রত। গতিকে এ দিয়ো বরণর ক্রিয়ার বানান তঙাল করে আলোচনা করিক।

৩।(i) অস্ অহ্-ধাতু লাগই, অ-ধাতু

সংস্কৃত ভব

অছে, অছিল, অছু ইত্যাদি ক্রিয়াত দন্ত্য-স বাদীর যুক্তিহান অইলতাই—এ ক্রিয়া এতার ধাতুগো উনি 'অস্'-ধাতু, বারো ধাতু এগো উনি সংস্কৃত 'অস্'-ধাতু উগোও অবিকল আহেছেগো। খানিঙ্গারা ভিতরে হামেয়া চেইলে দেখতাঙাই যে, ধাতুর প্রাথমিক জ্ঞান থাইলেউ কুনোগোই এসাদে মত পোষন করে নুন্নরতারা। ধাতু বুলতারা এগো ক্রিয়া আহানর হাবি রূপর সাধারণ ধ্বনিগো। অর্থাৎ ক্রিয়া আহানর হাবি রূপর ভিতরে থার সাধারণ রূপ উহানরে ধাতু বুলতারা। যেমন—

(ক) কর্-ই/এছিল, কর্-ই/এছে কর্-ই/এছিলে, কর্-এর, কর্-উরি, কর্-অর, কর্-তই, কর্-তাঙাই, কর্-(ই) লো ইত্যাদি;
(খ) খা (এ) ছিল, খা-(এ) ছে, খা-(এ) ছিলে, খা-(এ) র, খা-উরি, খা-(অ) র, খা (৭খ)-ইতই, খা (৭খ)-ইতাঙাই, খা-(৭খ)-ইলো ইত্যাদি;

(গ) থ-(এ) ছিল, থ-(এ) ছে, থ-(এ) ছিলে, থ-(এ)র, থ-উরি, থ-(অ) র, থ-ইতই, থ-ইতাঙাই, থ-ইলো ইত্যাদি;
 (ঘ) পা-(এ)ছিল, পা-(এ)ছে, পা-(এ)ছিলে, পা-(অ)র, পা-উরি, পা (পে)-ইতই, পা (পে)-ইতাঙাই, পা (পে)-ইলো ইত্যাদি*—এ চারিযো ধরণের ক্রিয়ার প্রত্যেক ধরণের ক্রিয়ার ভিতরে যেহানি সাধারণ রূপহানি, উতাই ধাতু, অর্থাৎ, এপেই কর্, থা, থ, পা—এহানিয়েই ধাতু। ঠিক উমাদে আমার আলোচ্য ক্রিয়া উগি বিচার করলে দেখতাঙাই—অ-ছিল, অ-ছিলে, অ-ছিলাই, অ-ছে, অ-ছত, অ-ছু, অ-ছি, অ-র, অ-রাই, অ-ইতারা, অ-উরি, অ-ইতো অ-ইতই, অ-ইতাঙাই—ইত্যাদি হাবি রূপের ভিতরে সাধারণ রূপহান অইলতাই ‘অ’। সুতরাং এপেই ‘অ’- এগেই ধাতুগো বারো ছিল, ছিলে, ছে ছু, র, রাই, ইতারা, ইতো, ইতই—ইত্যাদি অইলতাই বিভক্তি। এ ক্রিয়ার বর্তমান বারো ভবিষ্যতের রূপের ভিতরে স/ছ শ্বনি এগেই নেই। সুতরাং এপেই অস্-ধাতু বুলিয়া মাতানি উহান অতি হবা ঠারলো মাততে গেলগা—‘ছুপ না জানিয়া মাতানিহান’। এপেই অস্-ধাতু অইলে—অতীতকালে অসেছিলু, অসেছিলাঙ ইত্যাদি, বর্তমান কালে অসুরি, অসরায় ইত্যাদি, বারো ভবিষ্যৎ কালে অসিতই, অসিতো ইত্যাদি রূপ অইল অইছ।

* (১) অ-কারান্ত বা আ-কারান্ত ধাতুর পিছে বিভক্তির আদি এ - কার লুপ্ত অর। (২) ব্যঞ্জনান্ত বা ই-কারান্ত ধাতুর পিছে বিভক্তির আদি ই - কার লুপ্ত অর। (৩) ই - কার পিছে থাইলে পূর্ববর্তী আ - কার এ - কারে পরিণত অর।—
 জঃ—বিষ্ণুপ্রিয়া মণিপুরী ভাষাতত্ত্বের রূপরেখা পৃ. ৫২—৬০, ৮০।

আরতাউ চেইক—অছে, অছিল— ইত্যাদি, ক্ষেত্রত যদি অস্-ধাতু অর, উহান অইলে পাছিল, পাছে, খাছিল, খাছে, করেছিল, করেছে ইত্যাদি খেত্রতো পাছ্, খাছ্, করেছ্—এতা ধাতু বুলানি লাগতই । উহান যে কতি ডাঙর পাণ্ডিত্যর পরিচয়হান অইতই উহান ধাতু বারো বিভক্তির বিগার খানিগার করলেই হারপেইতাঙাই । তহুপরি, এ ধাতু এহানি সংস্কৃত প্রাপ্, খাদ্ বারো কৃ—এ ধাতু এহানির প্রাপ্তো (৭পা), খাদ (৭খা) বারো করো (৭কর্)—একপ এহানিত আহেছেহানি । এপেই মূল রূপ উতাত স / ছ-ধ্বনি নেয়োনিয়ে উল্লিখিত বি. ম. ধাতু উহানিত ধ্বনি এগো আহানির প্রগ্নই না উঠের । আসলে, এ ছ-ধ্বনি এগো পুরাঘটিত অতীত বারো পুরাঘটিত বর্তমানর বিভক্তির অন্তর্গতগো ।* উহানে, হাবি ক্রিয়ার পুরাঘটিত অতীত বারো পুরাঘটিত বর্তমানর রূপে এ ছ-ধ্বনি এগো পেয়ারতা । অর্থাৎ অছিল, অছে, অর, অইতই— ইত্যাদি ক্রিয়াত ছিল, ছে, র, ইতই — এতা বিভক্তি ; ধাতুগো অইলতাই ‘অ’ । ধাতু এগো আহেছেতা সংস্কৃত ভূ-ধাতুর ‘ভব’—রূপেত্ত্বঃ সং. ভব ৭ প্রাকৃত হো ৭ হিন্দী হো, বাংলা - অসমীয়া হ. বি. ম. অ ।

এপেই আরাক লক্ষণীয় বিষয় আহান অইলতাই— সংস্কৃত বা প্রাকৃত হ-ধ্বনি এগো বি. ম.-ত আয়া ‘অ’-ধ্বনিত পরিণত অর । এগো শুদ্ধ অ-ধ্বনিগো নাগই ; অ-ধ্বনির লগে আরাক ধ্বনি আহান (') থার, যোগোরে glottal closure বুলতার। দৃষ্টান্ত আহানি চেইক—সং. হস্ত ৭ প্রা. হথ> হাত ৭ ‘আত; * হ্র দীক ৭ হালদি> ‘আলদি ইত্যাদি ।

*দ্রঃ—বিষ্ণুপ্রিয়া মণিপুরী ভাষাতত্ত্বর রূপরেখা, পৃ. ৫৪—৫৬ ।

'আছে' 'অছু' ইত্যাদি ক্রিয়াণ্যে আমি ঠিক ধ্বনিএগো পেয়ার। সূত-
রাং এ ধাতুর 'অ-ধ্বনি এগো মূলে হ-ধ্বনিত অর্থাৎ প্রাকৃত হো—
ধাতুত আছেছেগো উহানাত বিদ্যু আহানৌ সন্দেহ নেই; বারো
এ হো-ধাতু এগো আছেছেতা সংস্কৃত 'ভব'-ত্ব। গতিকে 'অ-ধাতু
এগো ঐতিহাসিক ধারালো সহজেই সংস্কৃত ভব-রূপেও পেয়ার।
ছে ছিল এতাবে বিভক্তি হিসাবে গ্রহণ করলে 'অ-ধাতুর এ
ব্যাক্যার লগে সম্পূর্ণ নামজস্ত থার উহান অতি স্পষ্ট।

এপেই আরাক প্রশ্ন আহান আহে পারের যে এপেই ছে.
ছিল ইত্যাদি ধ্বনিরে বিভক্তি বুলিয়া গ্রহণ করলেউ, এতাত ছ-
বর্ণ গ্রহণ করানির যুক্তিহান কিহান? উহানর উত্তরহান অইল
তাই এহান—প্রথমতঃ এ ধ্বনি এতাত পূর্বোক্ত S- ধ্বনি উগো
আছে. সূতরাং এগো বি. ম.- র ছ- ধ্বনিগো। দ্বিতীয়তঃ এ
বিভক্তি এতা আছেছেতা ইয়া-প্রত্যয় বারো আছ্ ধাতুর ক্রিয়া
রূপর মিলনেত। ★ যেমন—কর্ + ইয়া—আছ ৭ করেছ.
পা + ইয়া— আছে ৮ পাছে; গ্ + ইয়া— আছেগা ৭ গেছেগা,
খা + ইয়া—আছিল > খাছিল ইত্যাদি। বারো এ আছ-
ধাতু আছেছেতা প্রাকৃত অচ্-ধাতুত। সূতরাং উচ্চারণ- ধারা
বারো উৎস— এ দিরো বারাদেত্তো এপেই ছ-বর্ণ দেনা
এহানেই যুক্তিযুক্তহান।

(ii) হিন্দীর লগে সম্বন্ধ দেহানি নিরর্থক

এ প্রসঙ্গে দন্ত্য-স-বাদীগাছির আরাক হাস্যকর যুক্তি
আহান অইলতাই— বি. ম ভাবা এহান উনি হিন্দী বারো

৩২—বিষ্ণুপ্রিয়া মণিপুরী ভাষাতত্ত্বর রূপরেখা, পৃ. ৫৪-৫৫।

হিন্দীর উৎস শৌরসেনীর লগে মিল। বারো, আছে, অছিল ইত্যাদির উচ্চারণে হিন্দী দন্ত্য স-উগোর উচ্চারণহান পানাই উনি তানু খুপি লিঙয়া উবা অছি তা — এপেই দন্ত্য-স-গো দেনা বুলিয়া।

হিন্দী বারো শৌরসেনীর লগে মিল দেহরানির পাগলামি উহানর উত্তর আমি অগত্বে দেছি*। তথাপি প্রসঙ্গক্রমে এপেই ছহান আহান কথা মাতিক। দন্ত্য-স-বাদীগাছির যুক্তিহানি অইলতাই এহানি—প্রথমতঃ, বি.ম. ভাষাত ক্রিয়ার আগে নঞর্থক শব্দর ব্যবহার অর, যেমন, না করলো, না খাছে, না যেইতইগা ইত্যাদি। দ্বিতীয়তঃ, ক্রিয়ার মাঝে লিঙ্গভেদ আছে, যেমন — তা আহিল, তেই আহিলী ইত্যাদি। তৃতীয়তঃ, ক্রিয়াত বচন ভেদ আছে; যেমন, মি যাউরিগা, আমি ঘিয়ারগা ইত্যাদি। লক্ষণ এতা হিন্দীত থানাই বি. ম. ভাষা এহান উনি হিন্দীর সমগোত্রীয়হান বারো হিন্দীর সাদে শৌরসেনীত আছেহান। কিন্তু গিরকগাছির মত এহান অগ্ৰভাষার লগে তুলনামূলক আলোচনার অভাবেত্ত নিকুলেছেহান। ক্রিয়ার আগে নঞর্থক শব্দ ব্যবহার করানি উহান সংস্কৃত প্রাকৃত বারো আধুনিক ভারতীয় হাবি আৰ্য ভাষার সাধারণ লক্ষণহান; অসমীয়া, বাংলা, উড়িয়া ইত্যাদি ভাষাতো এ লক্ষণ এহান আছে। আধুনিক বাংলাত এ লক্ষণ এহান মিয়াম নেয়ইলেট, প্রাচীন বারো মধ্যযুগীয় বাংলাত এহান বহুল পরিমাণে পেয়ার। ভদ্দা নঞর্থক শব্দগো ক্রিয়ার আগে থানা উহানেই নাগই, অবিকল বি. ম. শব্দই পুরানা বাংলাত আছে, যেমন — নাইল (আধুনিক বাংলা — আসিল না), না যায়

*দ্রঃ—The Bishnupriya Manipuris, পৃ. ৯-১১।

(আধুনিক বাংলা, যায় না) ইত্যাদি । ক্রিয়াত লিঙ্গভেদর লক্ষণ উহানো সংস্কৃত, প্রাকৃত এবং প্রাচীন বারো মধ্যযুগীয় বাংলাতে আছে । প্রাচীন বাংলাতে হুদা লক্ষণ উহানিয়েই নাগই, অবিকল বি. ম. রূপ উতাই আছিল । যেমন, আইল, আইলী, গেল, গেলী, চলিলী ইত্যাদি । * ক্রিয়াত বচনভেদর লক্ষণ উহানো সংস্কৃত বারো প্রাকৃতত আছেছেহান । উড়িয়া-ভাষাতে ক্রিয়াত বচনভেদ আছে ; যেমন—মু জায় = মি যাউরিগা, আমে জাও = আমি যিয়ারগা, মু জাইথিলি = মি গেছিলুগা, আমে জাইথিলু = আমি গেছিলাঙগা ইত্যাদি । সুতরাং উপরোক্ত লক্ষণ উহানি হিন্দীর বিশেষ লক্ষণহানি নাগই, এবং ঐ লক্ষণ উহানি বি. ম.-ত থানাই বি. ম. ভাষাউ হিন্দীর সমগোত্রীয়হান বুলানির বিন্দু আহানো যুক্তি নেই ।

তত্পরি হুদা সাধারণ লক্ষণ আহানির মিল থাই-লেই ভাষা দুহান সমগোত্রীয় বুলানির কুনো যুক্তি নেই । জার্মানী ভাষাত ক্রিয়ার ভিতরে বচনভেদ আছে বুলিয়া জার্মানীর লগে বি.ম. সমগোত্রীয় বুলিয়া মাতানি উহান খানিমানি পাগলামিহান নাগই । বি.ম. বারো হিন্দীর ক্ষেত্রেতো একেই যুক্তি প্রযোজ্য । আসলে, ভাষার পরস্পর সম্বন্ধ বিচারে চানার মূল বিষয়হানি অইলতাই শব্দ বা বিভক্তির আকৃতি উতা । এবং শব্দ বা বিভক্তির আকৃতি বিচার করলে দেখতাজাই যে, বি.ম. ভাষারত হিন্দীর লগে শতকরা বিশভাগো মিল নেই; অনাগদে অসমীয়া, বাংলা বারো উড়িয়ার লগে শতকরা প্রায় আশিভাগ মিল । ক্রিয়ার প্রসঙ্গ উঠেছে যখন, হুদা ক্রিয়ার দৃষ্টান্ত খানিয়েই লইক —

৩য়:—নিম্নলিখিত মণিপুরী ভাষাতত্ত্বর রূপরেখা, পৃ. ৫৩, ৫৬ ।

বি.ম. — কররি, করের, করতারা; করিছিল, করিছিলু, করেছিল, করেছিলু, করেছিলাও; করতাড়াই, করিম, করব ইত্যাদি।

বাংলা — করি, করে (পূ. বঙ্গ-করের), পূ. বঙ্গ করতারা; করেছিলো, করেছিলু, করেছিলাম, পূ. বঙ্গ— করতাম, করব ইত্যাদি।

অসমীয়া— করোঁ, করে; করিছিল, করিছিলু; করিম, করিব ইত্যাদি।

হিন্দী — কররহা হুঁ, কররহা হৈ, কররহে হৈ; কিয়াথা, কিযে থে; করুঁগা, করেঁগে ইত্যাদি।

এসাদে হাজার হাজার ক্রিয়ার আকার এবং সর্বনাম এবং শব্দরূপ তুলনা করলে মেরাজাউরে পেয়াউ মাতে পারতই যে, বি.ম.-র লগে হিন্দীর সম্বন্ধহান অনেক দূরেই। এ আলোচনা দীর্ঘতর করিয়া সময় না মাও করিক। যেতাউ অক. বি.মি. ভাষার লগে হিন্দীর নৈকট্য মানিয়া লইলেউ, আলোচ্যমান ধাতুর ক্ষেত্রে গিরকগাছির হিন্দী বা শৌরসেনী ভক্তির তাৎপর্যহান হারপানি মিয়াম চিলছে। কারণ, প্রথমতঃ, হিন্দীত আছে, আছে ইত্যাদি ক্রিয়ার গন্ধহানো নেই। দ্বিতীয়তঃ, সংস্কৃত অস্-ধাতুর প্রসঙ্গ তুললেউ, জৈন মহারাষ্ট্রী, মাগধী, পৈশাচী ইত্যাদি ভাষার সাদে শৌরসেনীতো ধাতু ঔগো অচ্ছ - ধাতুত পরিণত অর [দৃষ্টবা— ‘অস্তুরচ্ছঃ’ — প্রাকৃত প্রকাশ, ১২. ১৩]। কিন্তু, ঔ অচ্ছ-রূপ উহান হিন্দীত রক্ষিত নাছে; হিন্দীত ঔ ধাতুর অর্থত পেয়ারতাই হো - ধাতু, যেগো আহেছেতা সংস্কৃত ভব-রূপেত্ত। গতিকে কল্পিত অস্-ধাতুর ব্যাখ্যারকা হিন্দী বা শৌরসেনী হাতারেয়া ইমে আপ্রানে হিনপানির প্রয়োজন নেই।

৪। আচ্-ধাতু আহেছেতা প্রাকৃত

অচ্-ধাতু

দন্ডা-স-বাদী গিরকগাছিয়ে আরাক আকবেদে বারো
মাততারাভাই—আছে আছিল, আছু, আছত ইত্যাদি
ক্রিয়ার ধাতু আচ্ এগৌ উনি আহেছেতা সংস্কৃত অস্-ধাতুত।
গতিকে তাম্র মতে ক্রিয়া এতার ধাতুগো উনি আস্ এবং
ঐ অনুযায়ী ক্রিয়া এতা উনি আসে, আগিল, আসত—
এসাদে ইকরানি থকর।

এ বিষয় আলোচনার আগে পইলাই হারপানি থকর
যে তদ্ভব শব্দ বা ধাতু এতা—হাবি ভাষাতো—সংস্কৃতত
শ্রুজাশ্রুজি আহেছেতা নাগই; আহেছেতা প্রাকৃতর মাধ্যমে।
বিশেষ করিয়া এহানো হারপানি থকর যে আধুনিক নামধাতু
ছহান আহান ছাড়া হাবি বি. ম. ধাতু তদ্ভব ধাতু, অর্থাৎ
ধাতু এতা সংস্কৃতত আহেছেতা প্রাকৃতর মাধ্যমে। অথচ
প্রাকৃতত অস্-ধাতুর প্রয়োগেই নেই। প্রাকৃতত সংস্কৃত অস্-
ধাতুর অর্থত পেয়ারতা--অচ্-ধাতু। এ অচ্-ধাতু এহান
মাগনী, শৌরসেনী, মহারাষ্ট্রী, জৈনমহারাষ্ট্রী, অবন্তী, পৈশাচী-
ইত্যাদি প্রায় হাবি প্রাকৃততো আছে। এ ধাতুর সাধারণ
প্রাকৃত রূপ পেয়ারতা--অচ্ছই, অচ্ছসি, অচ্ছামি, অচ্ছন্তি,
অচ্ছহ—এসাদে; শৌরসেনী রূপ পেয়ারতা—অচ্ছদে, অচ্ছদি,
অচ্ছন্তি—এসাদে; পৈশাচী রূপ পেয়ারতা—অচ্ছতি, অচ্ছতে—
এসাদে। বাংলা, অসমীয়া বারো বি. ম.-র আচ্-ধাতু
আহেছেতা এ প্রাকৃত অচ্-ধাতুত। পিছে যুক্তবর্ণ থাইলে
এবং ঐ যুক্তবর্ণ উতার ভিতরেত বর্ণ আগৌ লোপ পেইলে
আগেকার যুক্ত বর্ণ উগো দীর্ঘ অর—এহান ভারতীয়

আর্যভাষার বিবর্তনের সাধারণ সূত্র আহান । দৃষ্টান্ত স্বরূপে
 চেইক — সং. হস্ত > প্রা. হথ 7 হাথ 7 হাত 7 'আত, পত্ৰ 7
 পত্ৰ 7 পাত, গৰ্ভ 7 গত্ৰ 7 গাত — ইত্যাদি । ঠিক উসাদে,
 অচ্ছ-ধাতুর 'চ্ছ' — এ যুক্ত বর্ণ এগোর 'চ' — বর্ণ উগো লোপ
 পানাই আগেকার অ-বর্ণ উগো দীর্ঘ অ্যা 'আ' অইল ; ফলে
 ধাতু এহান 'আছ' — ধাতুত পরিণত অইলতা ।

প্রাকৃতর এ অচ্ছ-ধাতু এগো কুস্পেইত্ত আহিল-এ
 সম্বন্ধে পণ্ডিতর ভিতরে মতভেদ আছে । বররুচির মতে ধাতু
 এগো আহেছেতা সংস্কৃত অস্-ধাতুত (দ্রঃ অস্ত্ররচ্ছঃ -
 প্রাকৃতপ্রকাশ ১২. ১৯) । কিন্তু আধুনিক পণ্ডিতে এহান
 নাকরতারা ; কারণ অস্-ধাতুর 'স'-উগো 'চ্ছ' — অনার কোনো
 নিয়ম বা ধারা নেই । জার্মান পণ্ডিত পিশেল গিরকে সংস্কৃত
 ঋ-ধাতুর ঋচ্ছ-রূপেত্ত ধাতু এগোর ব্যুৎপত্তি দেহার । সংস্কৃত
 'ঋ'-ধ্বনি প্রাকৃতত 'অ'-ধ্বনিত পরিণত অনা পারের ।
 গতিকে ঋ-চ্ছ রূপেত্ত অচ্ছ-ধাতু অনা যাকরের । কিন্তু এহানো
 সমর্থনযোগ্যহান নাগই । কারণ ঋ-ধাতুর অর্থ 'যানা'
 (to go) ; অতাপক্ষে অচ্ছ-ধাতুর অর্থ 'অনা' বা 'থানা'
 (to be) । ডঃ সুনীতি চাটার্জি আদি পণ্ডিতে সংস্কৃততেই
 'অচ্ছ'-ধাতু এগো আছিল বুলিয়া কল্পনা করতারা । এহানেই
 হাবিত্ত যুক্তিযুক্ত মতহান । এমত যাকরলে বররুচির সূত্র
 উহানর অর্থহান অইতইতাই — 'অস্-ধাতুর ফামে অচ্ছ-ধাতুর
 আদেশ অর' । যেতাউ অক, এনাদে মতভেদ থাইলেউ, এহান
 সর্বজনস্বীকৃতহান যে, প্রাকৃতত অস্-ধাতু নেয়োছিল; ঐ ধাতুর
 অর্থত আছিলতা — অচ্ছ-ধাতু । সুতরাং সংস্কৃত-প্রাকৃত অচ্ছ-
 ধাতুত্ত বি.ম.-ত আছ-ধাতু আহেছে — এ বিষয়ে বিন্দু আহানো

সন্দেহ থানার অবসর নেই। এ ক্ষেত্রে দ্বিমত পোষন করানি
উহান জঘণ্য হেঁকঠেলাহান ছাড়া কিখানো নাগই।

সংস্কৃত অস্ - ধাতুত আছে - বাণু আছেছে বুললেউ
প্রাকৃত অচ্ - ধাতুর মাধ্যমেই আছেছে বুলিয়া স্বীকার
করানি লাগতই। গতিকে আছে - ধাতুর বানানহানো ছ -
বর্ণলো অন্য লাগতই। কারণ, তদুব শব্দর ক্ষেত্রে উচ্চারণ
বা বানান নির্ধারিত অরতা প্রাকৃত রূপর অনুযায়ী - উপেই
সংস্কৃত বানানহান যেহানো এয়াউ থাক। দৃষ্টান্ত - স্বরূপে
চেইক - সং. মৎস্য > প্রা. মচ্ছ > মাছ, সং. বৎস - রূপ
> প্রা. বচ্ছ - র. অ > বাছুর, সং. বৎসর > প্রা. বচ্ছর >
বছর, সং. গ্রঙ্গ > প্রা. গচ্ছ > গাছ. সং.* নৃতক > প্রা.
নক্চ > নাছা, সং. *কৃত্যগারিক > *কচ্ছাআরিঅ >
কাছারি ইত্যাদি। তর্কর খাতিরে সংস্কৃতত সুজাশুজি বি.ম.
ধাতু আছেছে বুলিয়া যাকরলেউ সংস্কৃত অস্ ধাতুত বি.ম.
আস্ - ধাতু আছেছুরারের। কারণ, প্রথমতঃ অস্ - ধাতুর
'অ' - উগো দীর্ঘ অয়া 'আ' - অনার কোনো সূত্র নেই।
দ্বিতীয়তঃ সংস্কৃত বারোপ্রাকৃত শব্দ বা ধাতুর স - স্বনি উগো
বি.ম. - ত সাধারণতঃ হ-স্বনিত পরিণত অর, বা লুপ্ত অর।
অন্যগুলির ক্ষেত্রে নিয়ম এহান অবশ্যাস্তাবীহান, যেমন, হাস
7 অহ্ (to lough), বস 7 বহ্ (to sit), আবিশ 7
আহ্ (to come), ভাস > বাহ্ (to float), কাস >
কাহ্ (to cough) ইত্যাদি। গতিকে সংস্কৃত অস্ - ধাতু
বি.ম.-ত আছে থাকিলে অবশ্যই 'অহ্'বা 'অ' অইল অইচ্।


অনেকে বারো আচস্থিতে সংস্কৃতত আস্ - ধাতু আগো
মেছে বেলিয়া আছে. আছিল ইত্যাদি ক্রিয়ার ধাতু আছে -

উর্গো সংস্কৃত আস্- ধাতুত্ব আছেছে বুলিয়া ব্যাখ্যা করলে
 তানুর দন্ত্য-স- বাদর ইজ্জতহান টিকতই বুলিয়া নিঙকরতারা।
 এপেই আমার বক্তব্যাহানি এহানি : প্রথমতঃ, সংস্কৃত আস্-
 ধাতু বি. ম.-ত আহিলে আস্- রূপে থানা নুরারের; আগর
 সূত্র অনুযায়ী সংস্কৃত আস্ - ধাতু বি.ম.-ত 'আহিলে 'আহ্' বা
 'আ' অনাত বাধা। দ্বিতীয়তঃ, সংস্কৃত আস্-ধাতুর অর্থ 'বহানি',
 কিন্তু বি. ম. আছ- ধাতুর অর্থ 'থানা'। এসাদে অর্থর ভেদ
 থানাই সংস্কৃত আস্- ধাতুত্ব বি. ম. আছ- ধাতু আছে
 নুরারের। তৃতীয়তঃ, পেইরাককরে। শব্দ হুহানর ভিতরে মিল
 দেহানিয়ে ঔগি বাপক- পুতকগি বুলানি উহান আশুটা বুদ্ধিহান
 ছাড়া কিন্তাউ নাগই। শব্দর ভিতরে বংশ পরম্পরা লেপ-
 করানি অইলে উতার ঐতিহাসিক বিবর্তনর সোপান উতা
 বর্তেয়া দেহরানি লাগের। বিবর্তনর বারাদে দৃষ্টি না দিয়া
 আন্দাজে ভাষাতত্ত্ব নিকালানি অইলেতে আহো—আমিও
 হাজারহান ব্যাখ্যা দিক : সং. ভাস > আস্, সং. বস > অস্ 7
 আস্, সং. আবিশ > আইন্ > আস্, ইংরাজী রাজ (was)
 > আজ 7 আস্ ইত্যাদি। কিন্তু এসাদে উন্মাদর প্রলাপলো
 ভাষাতত্ত্ব নার।

আসলে, এসাদে আশুটা যুক্তিলো নিজর চেংকরে ধরা
 আশুটা মত উহান সমর্থন করানির সালে অমাটিক হিনপানিত
 গুড়িগোত আছেতাই মনস্তত্ত্ব হুখান (১) 'আমার ধনোর
 কথা না লয়া তানুর গিরির কথাতে কিয়া লইতাঙাইতা ?'
 (২) 'তাতে কিগো হানতে ! মিয়ো কতোহান তাম
 করেছুগোনা !' কিন্তু হারপেইবাঙ, দন্ত্য-স-বাদী গিরকগাছি,
 হেক ঠেলালো নিজর পাণ্ডিত্য-প্রদর্শনী' করাত যিতেগা এ

উদীয়মান ভূকাণ্ড সাহিত্য এহানর ভিতরে অনর্থক যে বানানর
নিজাট আহান আনেদিলাও, এহানর সম্পূর্ণ দায়িত্ব বারো কলঙ্ক
আপনারতা । এবাকাউ মুহূর্ণিলো আহিক, হাবিয়ে
মুক্তি অয়ায়ী পারা আকহানলো চলিক ।





আধুনিক রাস বারো কীর্তনর ধারা

বর্তমানে প্রচলিত মাতৃভাষার রাস বারো কীর্তনর ধারা এখানে চিত্রিত বিকুলিয়া মণিপুরী রাস বারো কীর্তনর ধারা উহানরে কতিহান অধঃপাতে নিয়া নেছেবা, উহান ভাষালো প্রকাশ করে ছুরারিয়ার। আগেকার রাস বারো কীর্তনর গভীর বারো রসপূর্ণ রূপ উহান বর্তমানে সম্পূর্ণ লুপ্ত অনার পথে চলেছে। এহানর প্রধান কারণ তিনহান—(১) রাধাকৃষ্ণ-প্রেমর বিকৃত রূপায়ণ, (২) পুরাতন ভাবগভীর স্বরর বর্জন, বারো (৩) ভাষা-ব্যবহারর দুর্বলতা অথবা ভাষা-ব্যবহারে বৈধতা স্বাক্ষর বারো সৃষ্ট দৃষ্টিভঙ্গির অভাব।

১। রাধাকৃষ্ণর লীলাগীতি ইকরানির আগে পইলাই এহান হারপানি লাগের যে রাধাকৃষ্ণর পেুম উহান জাগতিক স্ত্রীপুরুষর ক্ষেত্রত অর উসাদে প্রেমহান নাগই। বাহিরে স্ত্রীপুরুষর প্রেমর সাদে মনে অইলেউ রাধাকৃষ্ণর পেুম উহান কামগম্যহীন—নির্মলোত্তর নির্মল প্রেমহান। সাধন-মার্গত প্রবেশ করলে, রাধাকৃষ্ণর তত্ত্বমূলক শাস্ত্র আলোচনা করলে, বিশেষ করিয়া তত্ত্বর সাধন-মার্গর ধারা সম্পর্কে ধারণা থাইলে এ পেুমর মাধুর্য বারো গভীরতা হারপানি বা অনুভব করানি সম্ভব অর। চণ্ডীদাস, বিদ্যাপতি, বলরাম দাস, গোবিন্দদাস ইত্যাদি যে যে নিরাক গাছিয়ে বাংলা বারো ব্রজবুলিলো পদ-রচনা করে গেছিগা, উতা পুতু্যেকে সাধক আকেইগো। তানু নিজে রাধাকৃষ্ণর নির্মল পেুম উহান অন্তরে অনুভব করিয়া—নিত্য-বৃন্দাবনর দিব্য মাধুর্য উপভোগ করিয়া পদ-রচনা করে গেছিগাতা। উহানে তানুর পদ উতা মাধুর্যময় বারো রসময় অয়া উঠেছেতা। আমার পদগীতিকারর ভিতরে ঐ রসানুভূতি বা পেুমানুভূতির বিরাট অভাব। এমনকি, হৃদয়লো অনুভব না করিয়া বুদ্ধিবৃত্তিলো ঐ পেম উহানর ধারণা করলেউ উচ্চ মরশর সদাবলী রচনা করানির ক্ষমতা আহের; কিন্তু আমার পদকর্তার ভিতরে ঐ বস্তু উহানরো অভাব। উহানে রাধাকৃষ্ণর পেুম উহানরে জাগতিক স্ত্রীপুরুষর পেুমর পর্যায় আচুলিয়া আনিয়া পদরচনা করতেগা তানু রসর সমূল বিনাশ করতারাতি। কীর্তনর ফাম উহানর উল্লেখ করলে বক্তব্যহান স্পষ্ট অ'ইতই: আহান অইলতাই অহুরাগ, আরাক আহান অ'ইলতাই পথরুদ্ধ। শ্রীকৃষ্ণর রূপেগুণে আকর্ষ অয়া তারে শানারকা ব্যাকুল অনা উহানরে অহুরাগ বুলতারাতি। এহান পেুমিক—সাধকর উচ্চ বারো গভীর মানসিক পর্যায় আহান। বর্তমান কীর্তনর রাধা এগোতে হৌরিয়ক আটলা বারো নন্দক কুটিলার জ্বালায় কাদতে কাদতে

তেন্তেগো অ'ইরী, বারো তান্নরে চর্চিত্তে চর্চিত্তে কৃষ্ণর কথাতে নিঙশিঙো নাইরী ।
 জটীলা-কুটীলা এতা বাস্তব চরিত্র নাগই ; হুদা রাধাকৃষ্ণর প্রেম উহানর গভীরতা
 দেখানিরকা পরবর্তী পদকারে নিকালাছি চরিত্রহানি এহানি । কিন্তু কুনো ফামেউ
 এ চরিত্রর প্রাধান্য নেই । আমার পদকর্তা এতাতে হাস্যরসর মাধ্যমে রাধারেলে
 এহৌরিয়ক-নন্দক এহানরে গানানি বুললে কতি হেইনিঙ অ'ইতায়া বুললে, সীমা
 নেই । এ হৌরিয়ক নন্দকর জালালো রাধাই কাদানি, বারো তান্নরে গানানি
 —এহানরে মাততারাতি উনি অনুরাগ । পথরুদ্ধ আহিলেতে আর কথা নেই ।
 রাধা এগোরে মনে অরতাই চহা-অটিনী বারো টেকটেকেই পুরীজৈলা আগো,
 বারো কৃষ্ণ এগোরে মনে অরতাই অসংযত বিটলা গাবুরাপুর আগো । দ্বিয়োগি
 বারো অকটিকর কথা বারো উপমালো আগোরে আগোই পরখানি বা খুটা কারানিত
 আত মজ্জুত । এ অংশ এহানাত রাধাকৃষ্ণলীলাত খানি হালকা রস আহানি
 আছে বুলানি য়াকরের, কিন্তু ঔ হালকা রস উহান আমোদ জনকহান, বারো
 উহানর অন্তরালে গভীর প্ৰেম বর্তমান । হাস্যরস থাইলেউ, উহানর অন্তরালে
 গভীর প্ৰেম থাইলে প্রকাশভঙ্গি তঙাল অর । আমার পদকর্তার আ'তেতে রাধা
 গিথানকে বারো কৃষ্ণগিরকে কাঙ্ক্ষি-কালাক য়োঅয়া আগোরে আগোই খুটা
 কারতে কারতে জানহানি কাড়ে বেলতারা । রাধাকৃষ্ণর চরিত্রর — বৃন্দাবন
 প্ৰেমর এ বিকৃত রূপ এহান আমার ভাবরাজ্যত দারুণ অধঃপতনর লক্ষণ আহান ।
 এহানর গুড়িগোত থাইলতাই রাধাকৃষ্ণপেমর যথার্থ ধারণার অভাব ।

২ । বর্তমানে আমার কীত'নর পুরাণা ভাবগম্ভীর স্বর উতা প্ৰায় হাবি
 পাজরে য়িয়ারগা । জনিয়ারতা প্ৰায় একেই ধরণর স্বর—যেতাতে কুনো গাষ্টীয়া
 বারো মাধুর্য নেই ; আছেতা হুদা রসবিহীন শুষ্ক বা হাস্যরসমূলক হালকা ঘটনার
 দ্যোতনা । এহানর কারণ আহান অ'ইলতাই—আগে মাতলাঙ উসাদে—রাধা-
 কৃষ্ণপ্ৰেমর মাধুর্য বা গাষ্টীয়ার জ্ঞান বা অনুভূতির অভাব । আরাক কারণ
 আহান অ'ইলতাই পুরাণা স্বর সংরক্ষণ করানির গবেষকীয় দৃষ্টিভঙ্গি বারো পুরাণা
 স্বররে কেন্দ্র করিয়া হুবা নুবা স্বর নিকালানির স্জনীশক্তির অভাব ।

৩ । বিষ্ণুপিয়া মণিপুুরী রাস বারো কীত'নর অধঃপতনর হাবিত্ত
 ডাঙর কারণহান অ'ইলতাই রসোপযোগী ভাষার যথাযথ প্ৰয়োগর অভাব । অর্থাৎ
 রাধাকৃষ্ণর দিব্যপ্ৰেম উহান প্রকাশ করতে যে ভাষা প্ৰয়োগ করানি লাগের, ঔ
 ভাষার প্ৰয়োগ নানিয়ে রস হানি অ'রতা । ভাষার যথাযথ প্ৰয়োগর অভাব এহানর
 কারণ হুহান—(ক) আহান অ'ইলতাই রসবোধর অভাব, (খ) আরাক
 আহান অ'ইলতাই এতা আমার শব্দ, এতা আমার শব্দ নাগই' বুলিয়া প্রচণ্ড

ব্রাহ্মমূলক ধারণা এহান । ★

রসবোধর অভাব অইলে কুন ফামে কি শব্দ ব্যবহার করানি লাগের, উহানর ধারণা নাহেরতা । কৃষ্ণর প্রতি রাধার রূপান্তরগে কৃষ্ণর রূপ বর্ণনা করতে গিয়া ‘মাতৌরে কেথকে’ বুলিয়া মাতলে রসোপযোগী অর না নার উহান বিচার করানি লাগের । দিব্যরূপর বর্ণনাত এ শব্দ এতা একেবারে অমুপযোগী । তথাপি বাৎসল্য প্রেমর ক্ষেত্রত শব্দ এতা প্রয়োগ করলেতে খানিও ছনানি যাকরব ! কিন্তু রাধার শৃঙ্গার-রসর ক্ষেত্রত শব্দ এতা প্রয়োগ করলে রসহান পানিগে অর । ঠিক উসাদে, ‘বৃন্দাবন ধাম’ বুললে দিব্য ভাব আহান আহের, ‘বৃন্দাবন লেইপাক’ বুললে সাধারণ লৌকিক ফাম আহানর ধারণা আহের । ‘প্রাণনাথ’ বুললে গভীর বারো স্বতঃস্ফূর্ত আত্মসমর্পণর ব্যঞ্জনা আহান আহের; ‘ঠাইগোর গিরক’ বা ‘বানার আঠইপা’ বুললে ও ব্যঞ্জনার বিন্দু আহানো নাহের । ‘ছয়ত্রিশ রাগিনী’ বুললে পরিশীলিত পরিবেশ আহানর সূচনা অর, ‘রাগিনী আকুড়ি-যোলগো’ বুললে অশিক্ষিত ব’ঙালী জেলেইয়ে “এককুড়ি যোলগু’ বুলতারা পরিবেশ উহান আহির মুণ্ডে আহের ।

এপেই আমার লেখক গিরক গাছির ডাঙর ব্রাহ্মহান অ’ইলতাই, তাহু নিঙকরতারাতা—আমি ততারতে ব্যবহার করিয়ার উতাই আমার শব্দ, বারো সাহিত্য করানি লাগেরতাউ এ নিত্য ব্যবহার্য শব্দ এতালো । এহানাত প্রশ্ন হহান : পইলাকার প্রশ্নহান অইলতাই, ‘আমি ততারেয়ার ভাষাহান’ বুলতে কুঙহানরে বুজিয়ার ? চরিতথি হতিনা হুহানে বা আ’লুবা হুগেই কোলি লাগতে ততারতারা উহান, না সভাত বক্তৃতা দিতে ততারেয়ার উহান, না ধর্মালোচনা করতে বা ভাগবত পাঠ করতে ব্যবহার করিয়ার উহান ? দ্বিতীয় প্রশ্নহান অইলতাই, ‘সাহিত্য’ বুলতেউ কিসাদে সাহিত্য বুজিয়ার ? সমাজ-চিত্রণমূলক সাহিত্য, না দার্শনিকতত্ত্বমূলক সাহিত্য, না ধর্ম বা ভগবত্তত্ত্বমূলক সাহিত্য ? হাবিয়েউ এহান যাকরতাঙাই যে চরিতথি হতিনা হুহানে বা আ’লুবা হুগেই কোলি লাগতে ততারতারা ভাষা উতা আমি সভাত বক্তৃতা দিতে বা ধর্মালোচনা করতে বা ভাগবত পাঠ করতে ব্যবহার নাকরিয়ার । প্রয়োজনর খাতিরে সমাজ চিত্রণ মূলক সাহিত্যত ও গ্রাম্য কোলি উতা উপস্থাপিত করাত গেলেগাউ উতারে সুরূচিপূর্ণ করিয়া তুলানি লাগের । ধর্ম-দর্শনমূলক সাহিত্যততে উতার কুনো ফামো নেই । কিন্তু আমার লেখক-গিরকগাছিয়ে নিঙকরতারাতাই অসংস্কৃত

★ সাহিত্যর ভাষা সম্বন্ধে সাধারণ আলোচনা মদীয় ‘প্রবন্ধমালা’র পুথম খণ্ডত করেছি ; আজি হুঙ্কা রাস-কীর্তনর পুসঙ্গত আহের বিশেষ বক্তব্য উহানি আলোচনা করিয়ারতা ।

গ্রাম্য পরিবেশের অপরিণীলিত ভাষা উতালো হাবি ধরণের সাহিত্য—এমন কি, রাধাকৃষ্ণের লীলাউ ইকরানি। উহানে গিরকগাছিয়ে রসসৃষ্টির ক্ষেত্রত বিপর্যয় আনতারাতি। এহান হারপানি থকর যে বিষয়ভেদে ভাষার ভেদ অর। আমি দৈনন্দিন ক্ষেত্রতো ধর্মীয় বিষয় সম্বন্ধে মাততে গিয়া আলাদা ধরণের ভাষা প্রয়োগ করিয়ার। যেমন, ‘বৈষ্ণবের চরণ ধৌত করেদে’, ‘বৈষ্ণবেরে জল ফুটি দে’, ‘অন্ন গুলি সেবা করিক’ ইত্যাদি। অনুরূপভাবে ‘তীর্থভ্রমণে গেছেগা’ বা ‘তীর্থপর্যটনে গেছেগা’ এসাদে প্রয়োগ করিয়ার, কিন্তু ‘বারোমুনি-ভ্রমণে গেছেগা’ বা ‘দিল্লী পর্যটনে গেছেগা’ বুলিয়াতে নাউ মাতিয়ার। আলোচনা করলে দেখতাঐ—ধর্মীয় ব্যাপারে সংস্কৃত-শব্দ প্রয়োগ না করলে ভাষা উহান রুচিসম্মত নার। আগে মাতলাঙ — চরণ, ধৌত, জল, অন্ন, ভ্রমণ, পর্যটন, ইত্যাদি শব্দ হাবি সংস্কৃত। এহান একেবারে বজ্রর সাদে দৃঢ় সিদ্ধান্তহান যে; লৌকিক অপরিণীলিত ভাষা বারো মেইতেইত্ত আগত ভাষা ব্যবহার করলে রাধাকৃষ্ণ-লীলাত রসহানি অনা উহান অবশ্যস্তাবীহান। আমার লেখক গিরক এতা হাবির ছুরাহান — ‘বাংলা হমা পড়বগা!’ বুলিয়া ভীতি আহান। ও ভীতির দরুণ বাছে বাছে ‘আমার নিজর শব্দ’ ব্যবহার করানি এহান তান্নর থিয়োরিহান। কিন্তু তান্ন না জানি যে যেতারে তান্ন ‘নিজর শব্দ’ বুলতারা উতার প্রায় শতকরা পচাত্তর ভাগ মেইতেই-শব্দ, বারো যেতারে ‘বাংলা’ বুলতারা উতার প্রায় শতকরা নব্বই ভাগ সংস্কৃত। এহানো তান্ন না জানি যে ধর্ম-দর্শনমূলক সাহিত্য ইকরতে সংস্কৃত-শব্দ ব্যবহার করানি উহান সমস্ত ভারতীয় আর্য্যভাষাসমূহত ভাষার সাহিত্যর ধারাহান। বাংলা বারো ব্রজবুলিত দৃষ্টান্ত আহানি লইক—

“মস্তক-অভিনয় নব শিখি পিচ্ছ-বলিত বামা।

মঞ্জুবদন কুন্দবদন মধুরস্থিতজিতকামা”।

“সহকার শাখে শাখে সহচর কুহরে।

মুহুর মলয়ানিলে মাধবিকা শিহরে।”

“নীল নীরদরুচি তনুবার ত্রিভঙ্গ।

কটিতটে পীতাম্বর, বাজত মণি নূপুরা” ইত্যাদি।

এতার ভিতরে বাংলা শব্দ দুগো-তিনগো, বাকী উতা হাবি সংস্কৃত, যেতা কথা ভাষাত কুনোগোয়ো ব্যবহার নাকরতারা। রাধাকৃষ্ণ-লীলা ইকরতে গিয়া বাংলা, ওড়িয়া, হিন্দী, গুজরাটী ইত্যাদি হাবি ভাষাতো ‘চরণ, কটি, কটিতট, বক্ষ, শির, বদন, বাহু, গণ্ড, কর্ণ, নয়ন, দন্ত, অধর, চাচরচিকুর, কেশদাম, সূত, নন্দন,

নন্দনী, তুলসী, গজগামিনী, হংস-গামিনী, কুঞ্জর-গামিনী, ইন্দুবদনী, চন্দ্রবদনী, বিহার, চুম্বন, কেলি, শিখি, শিখিপিচ্ছ, পিক, মধুকর, গুঞ্জন, কুজন, পুলিন, বিপিন; কানন, পুষ্প, কমল, ইত্যাদি সংস্কৃত শব্দ স্বচ্ছন্দে ব্যবহার করতারা। দৈনন্দিন ব্যবহারে শব্দ এত প্ৰয়োগ করতে কোনো ভাষাতো নাদেহিয়ার। তথাপি অন্য ভাষার লেখকে শব্দ উতা প্ৰয়োগ করতারা তা রস-ব্যঞ্জনারকা, বারো রাধা-কৃষ্ণ লীলার গাষ্ঠীৰ্য্য, মাধুর্য্য, পবিত্রতা, অলৌকিকতা বা দিব্যভাব ইত্যাদি সূচিত করানিরকা। কোনো কোনো ক্ষেত্রে মাত্রা মিলানি বা অন্ত্যমিলর খাতিরে বিশেষ বিশেষ শব্দ আকেইগোর প্ৰয়োজন অর। যেমন, মাত্রা মিলানিরকা তিনগো অক্ষরর দরকার অ'ইলে 'বন'-শব্দ প্ৰয়োগ নাকরিয়া 'কানন'-শব্দ প্ৰয়োগর দরকার পড়ের; পাচগো অক্ষরর দরকার অ'ইলে 'ভানুসূতা'র বদলে 'ভানুনন্দিনী' ব্যবহার করানি লাগের। অত্ৰদিকে, আগেকার পণ্ডিত্রির লগে অন্ত্যমিল থনারকা সুর বা তান, নন্দন বা তুলসী, তীর বা পুলিন ইত্যাদি শব্দর ভিতরে প্ৰয়োজনীয় শব্দ উতা ব্যবহার করানি লাগের। এতা কিতাউ বিচার নাকরিয়া 'এতাতে বাংলানা! এতা আমার ঠারে কিয়া প্ৰয়োগ করতাড়াইতা?' বুলানি উহান রস, ভাষা বারো কাব্যর মর্ম হার নাপেইতারা আস্তা মানুর আস্তা কথা। আমার আস্তা লেখকে এ মনোবৃত্তিলো চলতে গিয়া রাধাকৃষ্ণর লীলাগীতি এতা ছারখার করতারা, বারো রসরে খোঁনাত টিপেয়া মারতারা।

গতিকে উন্নত রাস বা কীর্তন রচনারকা দরকার—রাধাকৃষ্ণর দিব্যপ্রেমর খানি অহান অনুভূতি, রসবোধ, সুরজ্ঞান, কাব্যর মাত্রা-ছন্দর জ্ঞান, শব্দর তাৎপর্য্যজ্ঞান এবং সর্বোপরি 'এতা বাংলা শব্দ, এতা ব্যবহার করানি থক নেই'—এ সঙ্কীর্ণ মনোবৃত্তির সমূল উৎপাটন। বিশেষ করে শব্দ প্রয়োগ সম্পর্কে লেখক গিরিগিথানিরে মাতানি মনাউরিতাই—রাস বা কীর্তনর পদ রচনার ক্ষেত্রে অসংস্কৃত পরিবেশর অপরিণীলিত শব্দ বারো মেইতেইত আগত শব্দ সম্পূর্ণ বর্জন করো, বারো রসপুষ্টির বারাদে দৃষ্টি থয়া সংস্কৃত-শব্দ স্বচ্ছন্দে—পারিল মাছেই—আহি জিপেয়া ব্যবহার করো। (যে কোনো ধর্মমূলক, দর্শনমূলক বারো বীর রসমূলক রচনার ক্ষেত্রেতো বক্তব্য এহান প্রযোজ্য।)

—:—

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
IN TWO VOLUMES
BY NATHANIEL BENTLEY
OF THE BARRISTER AT LAW
IN GREAT BRITAIN
AND OF THE CHURCH OF ENGLAND
PUBLISHED BY J. BENTLEY
AT THE SIGN OF THE SHIELD
IN CORNHILL
1786

PRINTED BY J. BENTLEY

বিষ্ণুপ্রিয়া মণিপুরী বারো

চাকমা ভাষা

বিষ্ণুপ্রিয়া মণিপুরী ভাষার লগে মগধীজাত উড়িয়া, বাংলা বারো অসমীয়া—এ তিনিওহানি ভাষার গভীর সাদৃশ্যৰ কথা আমি অন্যান্য গ্রন্থ বারো প্রবন্ধত আলোচনা করেছি। শ্রীশ্যামানন্দ সিংহ গিরকেউ তার ইদানীং কালে প্রকাশিত 'বিষ্ণুপ্রিয়া মণিপুরী ভাষার উৎস বারো ক্রিয়াত ছ-বর্ণ-প্রসঙ্গে' নামের প্রবন্ধত এ সম্বন্ধে পরিস্কারভাবে আলোচনা করে গেছে। আজি পূর্বাঞ্চলীয় চাকমা জাতের চাকমা নামের ভাষার লগে বি. ম. ভাষার সাদৃশ্যৰ কথা খানি আলোচনা করিক।

চাকমা ভাষা এহান আগে কেন্দ্রীভূত অ'ছিলতা বর্তমান বাংলাদেশের পার্বত্য চট্টগ্রাম অঞ্চলে। বর্তমানে চট্টগ্রামের চাকমা-জনগোষ্ঠীর অনেক আশ্রয়প্রার্থী অ'রা ত্রিপুরা, মিজোরাম, আসাম, অরুণাচল ইত্যাদি বিভিন্ন স্থানে বানার ফলে তৎতৎ অঞ্চলেই ভাষা এহান প্রবেশ করলো।

চাকমা ভাষার সর্বনাম, শব্দরূপ, ধাতুরূপ, প্রত্যয়, বাক্য-গঠন ইত্যাদি পর্যালোচনা করলে পরিস্কারভাবে হারপেয়ার যে, ভাষা এহান পূর্বোক্ত মগধীজাত ভাষা-গুণ্ডার সমগোষ্ঠীয়হান বা পূর্বমগধীজাত ভাষাহান। এ ভাষাত পালি ভাষারো প্রভাব আছে। কিন্তু এ ভাষাত তিব্বত-বর্মীয় ভাষার শব্দ এতো মিয়ান হ'মাছে যে, এহানরে পূর্বমগধীজাত ভাষাহান বুলিয়া চিনানি কঠিন। বি. ম. ভাষাতো মেইতেই ভাষার মাধ্যমে অনেক তিব্বত-বর্মীয় ভাষার শব্দ হ'মাছে, তবে উতা চাকমা ভাষার তিব্বত-বর্মীয় শব্দর তুলনাত অনেক কম।

চাকমা ভাষার লগে বি. ম. ভাষার সাদৃশ্য এতো প্রকট যে, দেখলে অবাক অ'না লাগের। সর্বনাম বারো শব্দরূপের ক্ষেত্রেও এ দ্বিযোহানি ভাষার ভিতরে যতোহান সামঞ্জস্য আছে, অন্য কোনো ভাষার লগে এ দ্বিযো ভাষার কোনো আত্মসমতাও ততোহান সাদৃশ্য নেই। ক্রিয়াত বচনভেদ, ক্রিয়ার আগে না-বোধক শব্দর ব্যবহার, অসমাপিকা ক্রিয়ার রূপ, ধন্যাত্মক শব্দ ইত্যাদি ক্ষেত্রেও এ দ্বিযো ভাষার ভিতরে গভীর সাদৃশ্য স্পষ্ট। উতা ছাড়া ধ্বনি বা উচ্চারণ-ধারা, শব্দ ভাঙার, ধাতুরূপ, প্রত্যয়, বাক্যগঠন ইত্যাদি হাবি বারাদেউ এ দ্বিযো ভাষার পরস্পর সাদৃশ্য আছে।

এবারে দ্বিযো ভাষার সাদৃশ্য এতা আলোচনা করে দিকগা :—

ধ্বনি বা উচ্চারণ-ধারা

১) 'ও'-ধ্বনি এগো বিষ্ণুপ্রিয়ায় নাদইগাঙে স্পষ্ট যদিও, রাজার গাঙে ধ্বনি এগো 'উ'-ধ্বনির সাদে উচ্চারিত অ'র। চাকমা ভাষাতো 'ও'-ধ্বনি এগো রাজার গাঙের সাদে 'উ'-ধ্বনিরূপে উচ্চারিত অ'র।

২) 'খ'-ধ্বনি এগো চাকমাত X (এক্স)-ধ্বনিরূপে উচ্চারিত অ'র। বিষ্ণুপ্রিয়ায় মনিপুরীত লক্ষণ এহান নেই।

৩) 'ছ'-ধ্বনি এগো বিষ্ণুপ্রিয়ায় মনিপুরী বারো চাকমা—এ দ্বিযো ভাষাতো অসমীয়া বারো পূর্ববঙ্গীয় 'ছ'-ধ্বনির সাদে অর্থাৎ S (এছ)-রূপে উচ্চারিত অ'র।।

৪) চাকমাত মৌলিক স্পর্শ বর্ণের বর্ণীয় প্রথম বর্ণ উতা প্রায়ই তৃতীয় বর্ণরূপে, কোনো কোনো ক্ষেত্রে দ্বিতীয় বর্ণরূপেউ উচ্চারিত অ'র; যেমন 'ক'-ধ্বনি 'গ'-ধ্বনিরূপে এবং 'ত'-ধ্বনি 'থ' বা 'দ'-ধ্বনিরূপে উচ্চারিত অ'র। বিষ্ণুপ্রিয়ায় মনিপুরীত লক্ষণ এহান নেই।

৫) বিষ্ণুপ্রিয়ায় মনিপুরী বারো চাকমা—এ দ্বিযো ভাষাতো

স্পর্শবর্ণের চতুর্থ বর্ণ (য, ঝ, ঢ, ধ, ভ) উভা কণ্ঠনাগী বন্ধ ধ্বনি
সাম্যত তৃতীয় বর্ণরূপে (গ', জ', ড, 'দ', ব') উচ্চারিত
অ'র ।

৬) অনুনাসিক ধ্বনি (৬) এগো বিষ্ণুপ্রিয়া মণিপুরী
বারো চাকমা— এ দ্বিগো ভাষাতৌ নেই ।

৭) মৌলিক ' য ' বারো ' স ' - ধ্বনি বিষ্ণুপ্রিয়া মণিপুরীর
অনেক ক্ষেত্রে ' ত ' - ধ্বনিত পরিণত অ'র ; চাকমাত এ লক্ষণ
এহান নেই বুয়েউ যাকরের ; যেমন, সং . মানুষ > বি.ম.
মানুষ > মানু, চা. মানুচ ; সং . স্বর্ণ > বি. ম. ছনা, চা. সনা ।

সর্বনামঃ বি. ম. তি = চা. তুই

বি. ম.	চাকমা	বি. ম.	চাকমা
মি	মুই	আমি	আমি
মরে	ম'রে	আমারে	আমারে
মরেলো	ম'রলৈ	আমারেলো	আমারলৈ
মরাঙতো	ম'রতুন	আমারাঙতো	আমারতুন
মর	ম'র	আমার	আমার
মরাঙ	ম'রতুন	আমাছাঙ	আমারতুন

বি. ম. তি = চা. তুই

তি	তুই	তুমি	তুমি
তরে	ত'রে	তুমারে	তুমারে
তরেলো	ত'রলৈ	তুমারেলো	তুমারলৈ
তরাঙতো	ত'রতুন	তুমারাঙতো	তুমারতুন
তর	ত'র	তুমার	তুমার
তরাঙ	ত'রতুন	তুমারাঙ	তুমারতুন

বি. ম. তা = চা. তে

তা	তে	তানু	তার
তারে	তারে	তানুরে	তারারে
তারেলো	তারলৈ	তানুরেলো	তারারলৈ

বি. ম.	চাকমা	বি. ম.	চাকমা
তারাজতো	তারতু	তারাজতো	তারারতুন
তার	তার	তার	তারার
তারাজ	তারতুন	তারাজ	তারারতুন

দ্র:— ১) বি. ম. দ্বিবিভক্ত প্রথম পুরুষে 'তেই' শব্দ ব্যবহার আর; চাকমাত জী বারো পুং উভয় লিঙ্গতেই রূপ আকহান।

২) বি. ম. ভাষাত হৌরক, হৌরিরক জাঙেই, বৌরেই ইত্যাদির পরস্পর কথোপকথনে একবচনেই সম্মানার্থে 'তুমি' শব্দ প্রয়োগ আর; চাকমাত হাকি ক্ষেত্রতো সম্মানার্থে একবচনে 'তুমি' শব্দ প্রয়োগ আর।

বিশেষ্য ও নাম

বি. ম.	চাকমা	বি. ম.	চাকমা
রাম	রাম	রাম-রাজতো	রামরতুন
রামরে	রামরে	রামর	রামর
রামরেলো	রামরলৈ	রামরাঙ	রামত
		ত্রিপুরাত	ত্রিপুরাত
		দিল্লীত	দিল্লীত

দ্র: বি. ম. বারো চাকমা—এ দ্বিবিভক্ত ভাষাতো বাক্যন্যন্ত বা অসমাপ্ত অ-কারান্ত শব্দর ক্ষেত্রত প্রথমা ছাড়া হাবি, বিভক্তিত বিভক্তির আগে 'অ'-ধ্বনি আগো আহের।

ক্রিয়া ও বি. ম. কর = চা, গর, -

বি. ম.	চাকমা	বি. ম.	চাকমা
করেছিলু	গচ্যং	করেছিলো	গচ্যেই
করেছ	গচ্যং	করেছি	গচ্যেই
করলু	গরলুং	করলাং	গরলং
করুকরি	গরুং	করিয়ান	গরির
করতো	গরিম	করতাঙাই	গরিকং

বি. ম.	চাকমা	বি. ম.	চাকমা
করেছিলে	গচ্চাচ্	করেছিলাই	গচ্চা
করেছত	গচ্চাচ	করেছো	গচ্চা
করলে	গরলে	করলাই	গরলা
করর	গরর	কররাই	গরর
করতেই	গরিবে	করতাই	গরিবা
করেছিল	গচ্চো	কবেছিল	গচ্চান
করেছে	গচ্চো	করেছি	গচ্চান
করল	গরল	করলা	গরলাক
করের	গরের	করতারা	গরতান
করতই	গরিব '	করতাই	গরিবাক

বি. ম. খা— = চা. খা—

খাছিলু	খেইয়ং	খাছিলো	খেইয়েই
খাছু	খেইয়ং	খাছি	খেইয়েই
খেইলু	খেলুং	খেইলাং	খেলং
খাউরি	খাউর	খেইয়ার	খেইর
খেইতো	খেইম	খেইতোঙাই	খেবং
খাডিলে	খেইয়চ	খাছিলাই	খেইয়া
খাছত	খেইয়চ	খাছো	খেইয়া
খেইলে	খেইলে	খেইলাই	খেইলা
খার	খ'র	খারাই	খ'র
খেইতেই	খেব	খেইতাই	খেবা
খাছিল	খেইয়ো	খাছিল	খেইয়ান
খাছে	খেইয়ো	খাছি	খেইয়ান
খেইলো	খেল	খেইলা	খেইলাক
খার	খার	খেইতারা	খাদন
খেইতই	খেব '	খেইতাই	খেবাক

দ্রঃ = ১) খা-খাতুর রূপে চাকমা ভাষাত আহের 'ই'-ধ্বনি

উহান পরিপূর্ণভাবে উচ্চারিত না'র ; খানি হালকা অ'রা অর্ধ-
'ই'-ধ্বনির সাদে উগো উচ্চারিত অ'র ।

২) বি. ম. ক্রিয়ার কতোহান কেন্দ্রত প্রাচীন বাংলার
সাদে লিঙ্গভেদ আছে ; চাকমার ক্রিয়াত লিঙ্গভেদ নেই ।

৩) বি. ম. বারো চাকমা এ দ্বিযো ভাষাতো ক্রিয়াত এক-
বচন বারো বহুবচন—এ রূপ দ্বিযোহানি আছে । অনর্মিয়া
বারো বাংলাত কিন্তু দ্বিযো বচনেউ রূপ আকহান ।

৪) বি. ম. ক্রিয়ার কর্তা উগো জড় বস্তু অ'ইলে কর্তা উগো
বহুবচন অ'ইলেউ ক্রিয়াত একবচন অ'র ; চাকমাত কিন্তু
কর্তার বচন অচূষায়ীয়েই ক্রিয়ার বচন অ'র । যেমন,

<u>বি. ম.</u>	<u>চাকমা</u>
হিল ভাগো পড়ের	এক্য শিল পরের
অনেক হিল পড়ের	ভালকুন শিল পরের.

৫) অন্যত্র 'গিয়া' ক্রিয়ার অচূষ্ঠান বুজাইতে বি. ম.
ক্রিয়ার লগে 'গা'-প্রত্যয় লাগের ; চাকমা ক্রিয়াত ঐ
কেন্দ্রে 'গৈ'-প্রত্যয় লাগের । যেমন,

<u>বি. ম.</u>	<u>চাকমা</u>
অ'ইলগা	অ'লগৈ
পেইলগা	পেইলগৈ
চেইলগা	চেইলগৈ
করলগা	গরলগৈ

জঃ = চাকমা 'পেইলগৈ', 'চেইলগৈ' শব্দর 'ই'-ধ্বনি
উগো উচ্চারিত অ'র ।

না-বোধক ক্রিয়া

বি. ম. বারো চাকমা—এ দ্বিযো ভাষাতো না-বোধক
শব্দ উগো ক্রিয়ার আগে বহের । যেমন,

বি. ম.চাকমা

তা না আংহে	তে ন এংহে
মি না খাভরি	মুই ন খাঙ
মি না বিভোণা	মুই ন যেম
তা না গেলগা	তে ন গেলগৈ
মি হার নাপেইলু	মুই থার ন পেইলুং

দ্র : = এ লক্ষণ এহান অসমীয়া বারো প্রাচীন বাংলাতো আছে ।

অসমাপনিক প্রকৃষ্ণা

১) বি. ম. — ইতে = চাকমা — তে/দে : বি. ম. করতে, খেইতে, দেখতে, আহিতে = চা. (ক্রমে) গরতে, খাদে, দেগদে, এজ'দে ।

২) বি. ম.-ইলে = চা.-লে : বি. ম. করলে, খেইলে, চেইলে = চা. (ক্রমে) গরলে, খেইলে, চেইলে ।

দ্র : চাকমা 'চেইলে' বারো 'পেইলে' - শব্দর 'ই'-ধ্বনি ঈষদুচ্চারিত ।

৩) বি. ম.—ত = চা.—ত : বি. ম. খানাত, করাত = চা. (ক্রমে) খানাত, গরাত ।

প্রত্যয় ও কৃত-প্রত্যয়

১) বি. ম.-অন = চা.-অন : বি. ম. করন, পড়ন, চলন ফিরন = চা. (ক্রমে) গরন, পরন, চলন, ফিরন ।

২) বি. ম.—আনা = চা.—আনা : বি. ম. পাকানা = চা. পাগানা ।

৩) বি. ম.—আনি = চা. আনি : বি. ম. করানি, খানি, পানি = চা. (ক্রমে) গরানি, খানি, পানি ।

৪) বি. ম.—আনি = চা. না/ আনা : বি. ম. লুনানি, করানি, মৌরানি = চা. (ক্রমে) গুননা, গরনা, মাবানা ।

৫) বি. ম. উনি = চা.—উনি : বি. ম. ছাকুনি, গুড়ুনি,

দ'কুনি = চা. (ক্রমে) ছাকুনি, ডা'কুনি, দ'কুনি ।

৬) বি. ম. — উরা = চা. — আরা :: বি. ম. কাহুরা, মাগুরা — চা. (ক্রমে) কান্দাৱা, মাগাৱা ।

৭) বি. ম. — নাঃ = চাঃ না বি. ম. খানা, নেনা, দেনা, পানা = চা. খানা, নেনা, দেনা, পানা ।

তদ্ধিত - প্রত্যয়

১) বি. ম. — আলা = চা. — রোলা : বি. ম. পানি-আলা, রিদ্ধা - আলা = চা. (ক্রমে) পানি-রোলা, রিদ্ধা-রোলা ।

২) বি. ম. — উলি = চা. — রোলা : বি. ম. নৌ-উলি — চা. ন' - রোলা ।

৩) বি. ম. — উরা = চা. — উরো : বি. ম. আলুরা, জালুরা = চা. (ক্রমে) আলুরো, জালুরো ।

৪) বি. ম. — গো = চা. — রো : বি. ম. কলমগো, মানুগো = চা. (ক্রমে) কলমরো, মানুচরো ।

৫) বি. ম. — দে = চা. - দি বি. ম. বাঙেদে, মুঙেদে, ঔবেদে, হৌবেদে, এবেদে চা. (ক্রমে) বাঙেদি, মুজুঙেদি, উনদি, সিনদি, ইনদি ।

৬) বি. ম. — মু = চা. — নোকী : বি. ম. ঘরমু, কালামু = চা. গ'রমোক্যা, কালামোক্যা ।

৭) বি. ম. — লকেই (বহুবচনসূচক) = চা. — লক : বি. ম. মানাকলকেই, খুড়তাকলকেই = চা. (ক্রমে) মানালক, খুড়ালক ।

৮) বি. ম. — হান = চা. — আন : বি. ম. কাগজহান, ঘাটহান, পাতাহান, চালহান — চা. (ক্রমে) কাগচ্চান, গাচ্চান, পাদান, চালান ।

ঋ : গুলগাল বস্তু বুজেইতে বি, ম, ভাষাত - 'গো' - প্রত্যয় এবং চাকমাত - 'রো' - প্রত্যয়ের ব্যবহার অ'র ; চেষ্টা বস্তু

বুজাইতে বি. ম. ভাষাত -'হান'- প্রত্যয় বারো চাকমাত

-'আন'- প্রত্যয় লাগেব।

(১) বি. ম. কু- = চা. কু- : বি. ম. কুকাম, কুনাম -
চা. (ক্রমে) কুকাম, কুনাঙ।

২। বি. ম. নি- = চা. নি- : বি. ম. নিখুত, নিহের -
চা. (ক্রমে) নিখুত, নিসের।

শব্দ

বি. ম.

চাকমা

আঙুলি

আঙুলি (finger)

আ'ট

আ'ট (market)

আ'ত

আ'ত (hand)

আ'স

আ'স (swan)

গম

গম (good)

গাবুরাপুরা

গাবুরচাঁপুৰা (young man)

জুনাক

জুনান (moon)

ঠা'ব (speech)

ঠা'ব (signal)

ডাঙর

ডাঙর (big)

ডেকি

দ'কা (like)

দু'বাব

দু'বোর (door)

পহুরি

পুহরি (pond)

বারা (side)

বারা (shoulder)

বালা

বালা (turn)

বেছুনি

বিজন (fan)

মানু

মানুচ (man)

মুঙ

মুজুঙ (front)

রুপা

রু'বো (silver)

রো

রঅ/রব (sound)

বি. ম.চাকমা

সানে

সান/সান্গা (like)

ছনা

সনা (gold)

হেমান

হেমান (beast)

দ্রঃ শব্দর ভিতরে ধ্বন্যাত্মক শব্দর গঠন ভঙ্গি বি. ম. বারো চাকমা—এ দ্বিযো ভাষাতো সমান । যেমন, বি. ম. পেরপেরানি, ডি'কডি'কানি, জে'রজেরানি = চা. (ক্রমে) পেরপেরানি, ডি'কডি'কানি, জে'রজেরানি ।

উপসংহার

এপেই আমি বিষ্ণুপ্রিয়া মণিপুরী বারো চাকমা—এ দ্বিযো ভাষার ভিতরে মিল বা সাদৃশ্য উহানি মাত্র আলোচনা করলাঙতা ; এতার বাহিরে কিন্তু দ্বিযো ভাষা ভিতরে বৈসাদৃশ্যর পরিমাণে-ই মিয়াম । বিশেষ করিয়া ধাতুরূপ বারো প্রত্যয়র ক্ষেত্রত বি. ম. ভাষা বাংলা (প : বঙ্গীয় এবং পূ : বঙ্গীয়) বারো অসমীয়ার লগে যতোহান মিল, চাকমার লগে ততোহান মিল নৈই । গতিকে এ দ্বিযো ভাষার সাদৃশ্য এতা ব্যাখ্যারকা দ্বিযো ভাষার যে কুনো আহানাত হেরে ভাষা উহান উৎপন্ন অ'ছে বুলিয়া অনুমান করানি কুনোমতেই উচিত না'ইতই । এ দ্বিযো ভাষার সাদৃশ্য এতা ব্যাখ্যারকা আমি তিনহান অনুমান করে পারিয়াব : ১) এ দ্বিযো ভাষার মূল কাঠাম উহানি উৎস আকগোত অর্থাৎ পূর্ব-মাগধীত আছেছে । ২) কুনো ঐতিহাসিক কালে এ দ্বিযো ভাষাভাষী মিয়াম কাদাকাদি আছিল, বা দ্বিযোতার ভিতরে যোগাযোগ বা নিকট সম্পর্ক আছিল । ৩) দ্বিযো ভাষাভাষীর যে কুনো আকতার ডাঙর গোষ্ঠী আহান কুনো কালে হেরে ভাষাভাষী উতারাত হমাছিগা । এ তিনোহান অনুমানর ভিতরে প্রথম উহানর সত্যতা আমি মাগধী প্রাকৃত বারো তজ্জাত অন্যান্য ভাষার লক্ষণ আলোচনা করলে সহজেই হারপেয়ার । দ্বিতীয় বারো তৃতীয় অনুমান উহানি ইতিহাসর ব্যাপার ; আদিকার এ শুদ্ধ ভাষাতাত্ত্বিক আলোচনাত ঐ ঐতিহাসিক বিষয় উতার অবতারণা নাকরলাঙ ।

বিষ্ণুপ্রিয়া মণিপুরী এ'লার সুর

সংস্কৃতির বিরাট অঙ্গ আহান অ'ইলতাই এ'লা । এ'লার ভাষা, ভাব বারো সুরর লগে সমাজ আহানর হৃৎস্পন্দন মিশিয়া থার । এতার ভিতরে ভাষা বারো ভাব—এ দিয়োহানি সাহিত্যর আলোচনার ভিতরে আত্মের । ঐ সাহিত্যর বিষয় উহানি বাদ দিয়া আজি হুদা এলার সুর সম্বন্ধে খানি আলোচনা করিক ।

এ'লার সুরর সৃষ্টি অ'রতা দ্বিধরণে আকবেদে নিজর গতানুগতিক সুরর অনুশীলনলো ; আরাক আকবেদে অগ্র ভাষার বা জাতর সুরর অনুকরণলো । ভাষাগোষ্ঠী-আহানর এ'লার অগ্রগতির ক্ষেত্রেত এ দিয়ো ধরণর সুররো প্রয়োজন আছে । বিষ্ণুপ্রিয়া মণিপুরী এ'লাত কুনো কুনো গিরিগিথানীয়ে হুদা চিরাচরিত নিজস্ব সুরর অনুশীলন করানি মনেইতারো, বারো যেতাই অগ্র ভাষার সুরর অনুকরণ করতারো, উতারে সমালোচনা করতারো । আরাক আকতাই বারো হুদা অগ্র ভাষার সুরর অনুকরণ করিয়া নিজস্ব সুর হাবি পাহরে যিতারাগা । এ দিয়োহানি মনোবৃত্তিয়ো এ'লার অগ্রগতির পরিপন্থী । এলার সর্বাঙ্গীন অগ্রগতি অ'ইতইতা এ দিয়োহানি দৃষ্টির সমন্বয়ে । স্বকীয় সামাজিক বৈশিষ্ট্য অব্যাহত থনারকা নিজস্ব সুর উতার সংরক্ষণ বারো অনুশীলন অবশ্যই করানি লাগের ; অন্যবেদে অন্যান্য জাতর লগে নৈকট্য বজায় থনারকা, বারো সুরর বৈচিত্র্য সৃষ্টি'রকা অন্য জাতর সুরর অনুকরণো করানি লাগের ।

অবশ্যই, জাতীয় বৈশিষ্ট্য রক্ষা করানিরকা অন্যান্য ক্ষেত্রেত সাদে এলার সুরর ক্ষেত্রেত নিজস্ব বৈশিষ্ট্যর সংরক্ষণ করানি উহানেই প্রথম কর্তব্যহান । কিন্তু উক্তা বুলিয়া অন্য জাতর সুর অনুকরণ করানি উহানরে কুনো মতেই দৃষণীয়হান

বুলিয়া নিঙকরানি উচিত নেই। কিন্তু কুন ক্ষেত্রত নিজস্ব বৈশিষ্ট্য অব্যাহত থনা লাগের, বারো কুন ক্ষেত্রত অন্য জাতর সুর অনুকরণ করানি লাগের—এ বিষয়ে স্পষ্ট ধারণা থালা উচিত। রাস-কীর্তনাদিত নিজস্ব সুর অখণ্ডিত থনা উহান অবশ্য করণীয়হান। এ ক্ষেত্রত অন্য জাতর সুর আমলেগা রসবোধে বাধ্যত অ'র। কিন্তু আধুনিক রঙ্গমঞ্চত নিজস্ব সুর বারো অন্য জাতর সুর—দ্বিযোতাউ থনা লাগের। এসাদে কহে যথাক্ষেত্রত নিজস্ব সুরর সংরক্ষণ বারো অন্যসুরর গ্রহণ—এ দ্বিযোহানি ধারার অনুশীলন করলে আমার এ'লার ভাণ্ডারগো পরিপূর্ণ অ'ইতইতা।

বিষ্ণুপ্রিয়া মণিপুরী এ'লাত অনেকে হিন্দী, বাংলা বারো অসমীয়া সুরর অনুকরণ করতারা বুলিয়া কুনো গিৰি-গিথামীয়ে সমালোচনা করতারা। কিন্তু প্রসারিত দৃষ্টিলো বিচার করলে দেখতাড়াই যে, অন্য জাতর সুর অনুকরণ করানি উহানাত বিন্দু আহানো দোষ নেই। পারস্পরিক অনুকরণর মাধ্যমে বিভিন্ন ভাষাগোষ্ঠীর ভিতরে নৈকট্য বারো সাংস্কৃতিক বৈচিত্র্য আহেরতা। গতিকে অন্য জাতর সুরর অনুকরণ করলে আমার এ'লার বারো সংস্কৃতির সমৃদ্ধিহে অ'র, দৈন্য নাগই। চারিয় বারাদে দৃষ্টি দিলে দেখতাড়াই যে, হাবি জাতেউ অন্য সুরর অনুকরণ চলের। বাংলাত হিন্দীসুরর অনুকরণ সুস্পষ্ট; এমন কি ইংরাজী এ'লার সুরর অনুকরণো দেখিয়ার। বংমানে হিন্দী এ'লার সুরর অনুকরণ ভারতীয় হাবি ভাষাতো দোখয়ার, মেইতেই আদি অন্য ভাষাগোষ্ঠীত পেয়া এ প্রভাব বর্তমান। সুতরাং হিন্দী, বাংলা বা অসমীয়ার সুর অনুকরণ করানি উহান আমার সঙ্গীত-জগতর সমৃদ্ধিরকা অবশ্যই করণীয়হান।

এবারে নিজস্ব সুরর সংরক্ষণ বারো অন্য সুরর গ্রহণ এ দ্বিযোহানি ধারা কিসাদে অ'লা লাগের—এ বিষয়ে খানি আলোচনা করিক। নিজস্ব সুরর সংরক্ষণ অ'রতা তিন ধরনে :

১) বিশেষ এ'লা আহানর বিশেষ সুর আগোর যথাযথ অনুশীলন করানি ; ২) বিশেষ এ'লা আহানর বিশেষ সুর আগোরে কেন্দ্র করিয়া অথবা একেই ধরার একাধিক সুরর সংমিশ্রণ করিয়া খানি তঙাল সুর আগো হওকরানি ; বারো ৩) বিশেষ সুর আগো অন্তরালে থয়া উগোস্ত অন্য পরিবেশর উপযোগী আরাক সুর আগোর সৃষ্টি করানি । এতার ভিতরে পইলাকার ধারা, অর্থাৎ বিশেষ এ'লা আহানর বিশেষ সুর আগোর যথাযথ অনুকরণ করানি উহান গতানুগতিকহান ; উহানাত সৃজনী শক্তির পরিচয় নাথার । দ্বিতীয় ধারা উহানাত সৃজনীশক্তির খানি পরিচয় থার । যেমন, কীর্তনর সুর আগোরে কেন্দ্র করিয়া বা একেই ধরণর কীর্তনর একাধিক সুরর সংমিশ্রণে কীর্তনর উপযোগী করিয়া ও ধরণর আরাক সুর আগোর সৃষ্টি করানি উহানাত সুরকারর স্বকীয়তা খানি থার । তৃতীয় ধারা অর্থাৎ সুর আগো অন্তরালে থয়া পরিবেশ অনুযায়ী আরাক সুর আগোর সৃষ্টি করানি উহানে সুরকারর বিশেষ সৃজনীশক্তির পরিচয় দেব । যেমন, কীর্তনর সুর আগো অন্তরালে থয়া আধুনিক রঙ্গমঞ্চর উপযোগী আরাক সুর আগোর সৃষ্টি করানি উহানাত মিয়াম দক্ষতার দরকার ।

ঠিক এসাদে, অন্য জাতর সুরর অনুবরণো তিন ধরণে অ'র : ১) বিশেষ এ'লা আহানর বিশেষ সুর আগো ছবছ নকল করানি ; ২) বিশেষ সুর আগোরে কেন্দ্র করিয়া বা সমজাতীয় অন্য সুরর সংমিশ্রণ আনিয়া খানি তঙাল সুর আগো হওকরানি ; বারো ৩) অ'র জাতর সুর আগো অন্তরালে থয়া উগোরে নিজর সুরে আচুলিয়া নুবা সুর আগো হওকরানি । এতার ভিতরে পইলাকার ধারা উহানাত সুরকারর সৃজনী শক্তির পরিচয় নাথার, বারো উহানাত

রসবোধেও ব্যাঘাত ঘটের । দ্বিতীয় ধরণের অনুকরণ উহানাত সৃজনীশক্তির খানি পরিচয় থার । তৃতীয় ধরণের অনুকরণ উহানাত বিশেষ দক্ষতার দরকার । দৃষ্টান্তস্বরূপে, মণিপুরর অজ্ঞা আগোই শিলচরে আয়া নৌলো বইরাবহান লালইতে নৌউলি উগোই বাংলা লোকসংগীতর ঢঙে দিয়াছিল 'ব্রজরসে প্রেমভরা নয়ন কমল জলধারা' এলা উহানরে মণিপুরী সুরে রূপান্তরীত করিয়া যে সৃজনীশক্তির পরিচয় দিয়াছে, এলা উহানর সুর উগোই উহানর সাক্ষ্য বহন করে৷ ।

বিষ্ণুপ্রিয়া মণিপুরী সুরকারর ভিতরে এসাদে অগুর সুর আনিয়া নিজর সুরে রূপান্তরিত করানি বারো আমার গতানুগতিক রাস-কীর্তনর সুর উতারে আধুনিক রঙ্গমঞ্চর উপযোগী করিয়া তুলানির ক্ষমতা এহানর মিয়াম অলাব । এ ক্ষেত্রেত একমাত্র সার্থক স্রষ্টাগো অ'ইলতাই অজ্ঞা মতিলাল সিংহ । অগুর সুর উতারে খানিগারা এ'লকা দিয়া নিজর সুরে পরিবর্তিত করানি, বারো, আমার রাস-কীর্তনর সুর উতা অন্তরালে থয়া আধুনিক রঙ্গমঞ্চর উপযোগী সুর সৃষ্টি করানির অদ্বুত ক্ষমতা এহানর অধিকারীগো একমাত্র গিরক এগো । গিরকর ক্ষমতা এহানর প্রমাণ বহন করে৷তা এ লেখকর 'এ'লার মালা'র এ'লার গজে হুঙ্করা সুর উতা । দৃষ্টান্তস্বরূপে , 'জানু জানু মোর মলিন হুদিগো' এ এ'লা এহানর অন্তরালে আছেতা বাঙলা পদাবলীর সুর, বারো 'চিরদিন মোর এ মধুবনর' এ এ'লা এহানর অন্তরালে আছেতা 'রাই কানু পীরিতির বালাই লয়া মরি' এ মণিপুরী কীর্তনর সুর উগো ।

আমার এলার সুর আলোচনা করতে গিয়া আমার বর্তমান রাস-কীর্তনর সুর সম্পর্কে খানি নানান্তিয়া না'র । বর্তমান রাস-কীর্তনর সুরর ক্ষেত্রেত হাবিত দুঃখজনক ব্যপারহান

অ'ইলতাই এহান যে, বর্তমানে আমার পুরাণা বারো রসে ভরপুর সুর উতা প্রায় হাবি লুপ্ত অ'যারগা । কুনো কুনো ফামে—বিশেষ করিয়া শিঙলা বারো প্রতাপগড় অঞ্চলের রাসে বাঙলা বায়ালি সুরর অনুকরণ দেহিয়ার । এজাত সুর এতা রসবোধর দিকেত্ত অত্যন্ত আপত্তিজনক । কীর্তনর ভিতরে বাসক বারো অনুরাগর করুণ সুর উতা প্রায় নেয়' যারগা । বর্তমানর ইসালপা গিরকগাছিয়ে প্রায় ঢঙ আহানর সুররেই অনুশীলন কর্তারা যে সুরে রাধাকৃষ্ণর গভীর প্রেমর পরিবর্তে অত্যন্ত হালকা রস বারো পরিবেশর সৃষ্টি করেয় । মূলে এ'লার সুর এতারতা রসর লগে গভীর সম্পর্ক আহান আছে । বিরহর সুর, অনুরাগর সুর, মিলনানন্দর সুর বারো হালকা হাস্যরসর সুর তঙাল তঙাল । রসভেদে সুরর ভেদ উহান হার নাপেয়া ইচ্ছামতো সুরর প্রয়োগ করলে রসবোধ হানি অ'র । আমার কীর্তনর সুরকার গিরকগাছিরতা রস অনুযায়ী সুরসৃষ্টির বারাদে দৃষ্টি দেনা থকর ।

বিষ্ণুপ্রিয়া মণিপুরী এলার আরাক শোচনীয় দিক আহান অ'ইলতাই লোকসঙ্গীতর সুরর অভাব । বর্তমানে লোকসঙ্গীত বুলিয়া যেতা ছনিয়ার, উতার সুর বারো ভাব হাবি বাংলা লোকসঙ্গীতেত্ত ধার করাতা ; নিজস্ব সুরর লোকসঙ্গীত আমি নাউ ছনিয়ার । ছদ্মা উহান নাগই, আমার লোকসঙ্গীতর ডঙহান কিহান, উহানো আমার শিল্পীয়ে হার নাপাছি বলে পারিয়ার । বিষ্ণুপ্রিয়া লোকসঙ্গীতর ঢঙহান আছেতা বিশেষ করিয়া 'সরালেলতে রাজারো লেইপাক কুমো কৈলো'—এ বরণ ডাঙানির এ'লা বারো 'মাদাই গিদেই সালইলী'—এ মাদই-সরালেল এ'লাত । আমার কীর্তনর ভিতরেউ লোকসঙ্গীতর সুর লুকেয়া আছে : পুষ্পযুদ্ধ' বংশীশিকা ইত্যাদি বিভিন্ন লীলা-

গীতিত লোকসঙ্গীতর সুর এতা পেয়ার । দৃষ্টান্তস্বরূপে
 'প্রাণনাথ, ও প্রাণনাথ, আজিকার রণে তুমি বঁাচিবা কেমনে !'
 —এ'লা এহান উল্লেখ করে পারিয়ার । রামায়ণর এলাতো
 লোকসঙ্গীতর সুর আছে ; 'রাম-সুগ্রীবের কাছে মাগিয়া মেলানি'
 ইত্যাদি এ'লার সুর উতা বস্তুতঃ লোকসঙ্গীতর সুর । এ সুর
 এতারে কেন্দ্র করিয়া নুঁরা নুঁরা সুর হঙকরানি সম্ভব ; এহানরকা
 দরকার বিশেষ সৃজনশীলতার । বিষ্ণুপ্রিয়া মণিপুরী এ'লার দিক
 এহান পূরণ করানিরকা আমার গীতিকার, সুরকার বারো সঙ্গীত-
 শিল্পীয়ে সচেষ্টিত আ'না লাগের ।



রাস-রাখুৰাল-কীৰ্তনৰ ভাষা

(১৬, ৪ ২৬ ইংৰাজীত কচুধৰমে দিব্যাশ্রমৰ রাখুৰালৰ আগে
প্রদত্ত ভাষণ)

পুল'দেছি গিরিগিথানী,

কথা আহান : আমি দিব্যাশ্রমেতু প্রচার কৰিয়াৰ
এলা—বিশেষ কৰিয়া রাস-রাখুৰাল - কীৰ্তনৰ এলা এতা
সম্বন্ধে বৰাবৰ সমালোচনা আহান হুনিয়াবতা : উনি আমাৰ
এলা এতাত হুদা বাংলা শব্দগোই মাহেই হমাৰ। এ সমা-
লোচনাৰ লগে কুনো কুনোগোই আমাৰ রাসধাৰী বাৰো রাসে
অংশ নিতাৰাগা গিরিগিথানী উতारे नानाभावे बाधा दिताया ;
अनुष्ठानर दिने हिल उड़ेइताइ बुलियाऊ डर देहेइताया ;
बारो हतुमे करेउ गेलगा आमार गोपीरस उहानात हिल
उड़ेइला । उहाने आजिकार ए पवित्र परिवेशेउ कथा
आहानि मातात बाधा अईलाउ ।

চলৈৰ সমালোচনাহান এহান : আমি ব্যবহার কৰিয়াৰ
শব্দ এতা—যেমন, পুলিন-বিপিন, নিকুঞ্জ-কানন নন্দনন্দন,
ভাৰুসুতা, ধীৰসমীৰ, কোকিল-কুজন, ভ্রমর-গুজন, বসন-ভূষন,
বদন, চুম্বন, নিশি, অবসান, মন্থরগতি গজ-গামিনী,
শির, কেশ, গোচারণ, জল, নতন পুষ্প অধর, শ্রীকঠ, শ্রীমুখ
সখীগণ, ইত্যাদী শব্দ এতা উনি হাবি বাংলা, বাৰো এসাদে
বাংলা শব্দ আনে আনে উনি আমি আমাৰ ভাষাহানৰ সৰ্বনাশ
কৰিয়াবতা । মূলে এসাদে সমালোচনা এতা আহেবতা অন্যান্য
ভাষা—বিশেষ কৰিয়া সংস্কৃত ভাষা সম্পূৰ্কে যথার্থ ধাবনাৰ
অভাবেত। হিন্দী, উড়িয়া, অসমীয়া, মাৱাঠী, গুজৰাটী,
পাঞ্জাবী ইত্যাদী হাবি ভাৰতীয় আৰ্য্যভাষা পর্যালোচনা

করলে দেখতামাই যে, আগে মাতে গেলাঙগা শব্দ উতা হাকি
এ ভাষা এতাত আছে ; ভাষা এতার অভিধাম খুললেই শব্দ
এতা পেইতাঙাই। অর্থাৎ এ শব্দ এতা বাংলাতে মুটেউ নাগই;
এতা কোনো ভাষায়ো ব্যক্তিগত সম্পত্তি নাগই। উহানে
মাতে গেলাঙগা ভাষাভাষী উতার কুনোগয়ো তানুর দৈনন্দিন
কথা-বার্তাত শব্দ এতা ব্যবহার না করতারা।

আসল কথাহান এহান : মাতে গেলাঙগা শব্দ এতা
হাকি সংস্কৃত। সংস্কৃত ভাষার এ শব্দ এতা আমার পূর্বপুরুষে
আমারকা বুলিয়া খদিয়া গেছিগা ভাঙারগো। হাকি ভাষার
সাহিত্যিকেরে নিজর সাহিত্যে সুন্দর করানিরকা— সাহিত্যে
যথাযথভাবে রস ফুটানিরকা প্রয়োজন অনুযায়ী সংস্কৃতর
এ ভাঙার এগোন্ত শব্দ আনতারাগাতা নিজর নিজর সাহিত্যর
সম্পত্তি হওকরতারাতা। আমার পূর্বপুরুষর এতাপারা ডাঙর
সম্পত্তি এহান হাবিয়ে লুটি'য়া নেনা, আমি বারো ইমে য়েগি
ততারতে ব্যবহার করিয়ার শব্দ উগিলো আটিট পিটিত অ'য়া
চলানি ! উহানতে ইমে ইমাবাবার সম্পত্তি মাহুবাঙ হিচে
'দিয়া ডালিদর' অ'নাহান ছাড়াতে আর কিতা !

মুটমাট কথাহান —আগে মাতে গেলাঙগা শব্দ উতা
হাকি একেপনে সংস্কৃত শব্দ। আমার দৈনন্দিন ব্যবহারে
উচ্চারণ করিয়ার শব্দ এতালো দর্শন, ধর্ম বা রাধাকৃষ্ণলীলার
গভীর বারো পবিত্র ভাব উতা ফুটানী সম্ভব ন'র আরো
আমি সংস্কৃতের শব্দ এতা আনিয়ারগাতা; আপপানে মনেয়া
আনিয়ারগাতা নাগই। এ শব্দ এতা হাকি আধাভাষাভাষীর
Common Property। এতারে বাংলা শব্দ বুলিয়া উতা
ব্যবহার করতে আপত্তি ক'রানি উহান আমার দৃষ্টিভঙ্গীর
সঙ্গীর্ণতাহান। এতাত চিন্তাধারা এতা বেলেরা আমার
সাহিত্যে সমৃদ্ধ করানির পথগো খুলেদিক।

কৃষ্ণলীলাগীতির ভাষা

(১৬. ২. ৯৪ ইংরাজীত কৈলাসহরর চৌধুরীপাড়াত অনুষ্ঠিত
গোপীরাসর আগে প্রদত্ত ভাষণ)

গিরিগিথানী,

প্রায় ৪৫ বছর আগের, অর্থাৎ মোর দশ বারো
বছর বয়সে আমার সমগ্র কৃষ্টি এহানরে আমার মাতৃভাষালো
করানির প্রবল ইচ্ছা আহান মোর অন্তরে আছে। বর্তমানে
দিব্যাশ্রম নাগর প্রতিষ্ঠান আহান করিয়া উহানর মাধ্যমে আমি
এ কৃষ্টি এতার সংরক্ষণ, সংস্কার বারো প্রগতির চেষ্টা
আহানি করিয়ার।

আমি প্রচার করিয়ার এলা এতা ছনিয়া অনেকেই
সমালোচনা করতারা—এতাত ছদ্ম বাংলা শব্দগোই মাহেই
হমার উনি। আসলে এ গিরিগিথানীয়ে যেতারে বাংলা শব্দ
বুলতারা, উতা আকগৌ বাংলা শব্দ নাগই; উতা হাবি
সংস্কৃত শব্দ। সংস্কৃত ভাষা এহান ভারতর প্রায় হাবি ভাষার
মাতৃস্বরূপাহান। আমার পূর্বপুরুষে আমারকা এ অফুরন্ত ভাণ্ডার
এগো খদিয়া গেছিগাতা। ভারতর হাবি ভাষার সাহিত্যিকে
সংস্কৃতর এ শব্দভাণ্ডার এগো লুটিয়া নিয়া নিজর নিজর সহিত্য-
সম্পদ বৃদ্ধি করতারা।। উহানে এ শব্দ এতা সর্বভারতীয়
সম্পদ। অসমীয়া, বাংলা, হিন্দী, গুজরাটী, মারাঠী, নেপালী
ইত্যাদী হাবি ভাষাতো এ সংস্কৃত শব্দ এতা নিয়াছিগা।
এ ভাষা এতার অভিধান খুললেই এ কথার সত্যতা হারপেই-
তাঙাই। এতা বাংলা ভাষার নিজস্ব সম্পত্তি নাগই। এ শব্দ
এতারে বাংলা শব্দ বুলিয়া উড়া বেলেয়া যে শব্দগিলো বিরান-
বেলুকা আলাপ -আলোচনা করিয়ার উগিলো লেইরাপার
সাদে আটকপিটক অ'য়া চলানি উহান যথার্থ দৃষ্টিভঙ্গির পরিচয়-
হান নাগই।

এ দৃষ্টিভঙ্গি এতী বেলিয়া আমারতাউ সংস্কৃতর এ ভাঙার
 এগো লুটিয়া আমার সাহিত্যসম্পদ বৃদ্ধি করানি লাগতই।
 বিশেষ করিয়া, রাধাকৃষ্ণলীলাগীতি বা ভক্তিমূলক গীতির
 ক্ষেত্রত সংস্কৃত শব্দ ছাড়া গতি নেই। আমার গিরিগিথানী
 আকতাই ‘আমার শব্দ’, ‘আমার শব্দ’ বুলিয়া অত্যন্ত
 হালকা গ্রাম্য পরিবেশর শব্দলো আমার রাস-কীর্তন পরিবেশন
 করাত যিতেগা আমার রাস-কীর্তনের অধিপাতে নিয়া
 গেলাগা। রাধারাণীরে ‘ডেইনী গিথানক’ বুলানী, শ্রীকৃষ্ণরে
 ‘ছচিধরা’ বুলানি, টিকির সম্পা’র লগে তুলনা দেনা—এতা
 অত্যন্ত রসবিরোধী, ভক্তিবিরোধী বারো নামাপরাধজনক।
 লোক-সঙ্গীতে এ জাত শব্দ ব্যবহার করোকা, আমার আপত্তি
 নেই, কিন্তু রাস কীর্তনের ক্লাছিকেল সঙ্গীতে এজাত শব্দ কুনো-
 মতেই ব্যবহার করানি না চলতই।

কৃষ্ণলীলা পরম গভীর, পরম পবিত্র বারো অলৌকিক
 দিবা প্রেমলো ভরপুর। এ দিব্যলীলারকা দিব্যভাষার দরকার।
 দিব্যভাষা মানে সংস্কৃত ভাষা। কৃষ্ণলীলা বারো ভক্তির লগে
 সম্বন্ধ আছেতা এ সংস্কৃত শব্দরতা। উহানে বৈষ্ণব দেবাত
 ভাতরে ‘অন্ন’ বুলিয়ার, পানিরে ‘জল’ বুলিয়ার, খানারে
 ‘ভোজন’ বুলিয়ার, জাও ধনারে ‘চরণ ধৌতকরানি’ বুলিয়ার।
 এ ‘অন্ন’, ‘জল’ ইত্যাদি শব্দ এতা হাবি সংস্কৃত শব্দ। ঠিক
 উসাদে কৃষ্ণলীলাত ব্যবহার করিয়ার—নন্দনন্দন ভানুশুতা,
 বিনোদিনী, পুলিন বিপিন, নিকুঞ্জ কানন, ভ্রমর গুঞ্জন, মধুর
 নর্তন ইত্যাদি শব্দ এতা হাবি সংস্কৃত শব্দ। ভারতর কুনো
 ভাষাতৌ দৈনন্দিন কথোপকথনে শব্দ এতা ব্যবহার করতারাতা
 নাগই, অথচ হাবি ভাষাতৌ কৃষ্ণলীলাগীতির ক্ষেত্রত এতা
 ব্যবহার করতার। আমিও উসাদে কৃষ্ণলীলাগীতিত এ
 সংস্কৃত শব্দ এতা আনিয়ারগাতা। এ সম্বন্ধে আমি অনেক
 প্রবন্ধত দীর্ঘ আলোচনা করেছি। উহানে এ বিষয়ে আমি আর
 আমার বক্তব্য দীর্ঘায়িত না করলাঙ।

রাস - কীর্তনর ভাষা

বহুদিন ধরিয়া আমি দিব্যাশ্রমর পক্ষত প্রচার করিয়ার রাস-কীর্তন এতা সম্পর্কে আমার সমাজর ছাত্র-যুবক এতাই সমালোচনা করে আহিতারাতা। ভানু মাততারা — আমার রাস-কীর্তনর ভাষা এতা উনি ‘আমার ঠার’ নাগই; এতাত উনি ছদ্দা বাংলাগোই মাহেই হমার ইত্যাদি। পইলা গোপীরাস করলাঙ সময়ত অনেকগোই রাসধারী ত্রিবেণী গিথানকরে রাস উহান বাগাদেনাত বাধা দিয়াছি। অনেকগোই মাতেছি — রাস উহানাত হিল উড়েইতাই বুলিয়া, উড়ানিয়ো উড়েইলা। রাসর দিনেউ মাইকলো ভাষন দিয়া মানুরে রাস উহান নাচানিরকা প্ররোচনা দিয়াছি। উহানে আজি রাস-কীর্তনর ভাষা সম্পর্কে কথা আহানি মাতাত বাধ্য অ’ইলু।

পইলাকার কথাহান অ’ইলতাই, আমার জাতর শৌ এতাই বাংলার মাধ্যমে পড়াশুনা করেছি বা করতারা হানতে ইমে বাংলার দৃষ্টিলো বিচার এতা করতারা। অত ভাষা খানি তামকরলা অইছতে তানুর বিচারধারা খানি তঙাল অ’ইল অইছ। উদাহরণ আহানি চেইক: মি গোহাটীত থাইতে অসমীয়া উতাই মোর এলা এতা ছনিয়া মাতলোতা — এতাত উনি অসমীয়া শব্দগোই মাহেই আছে। ইমে উপেইর হিন্দীর অধ্যাপক আগোই বারো মাতলোতা — মোর এলা এতাত উনি প্রচুর হিন্দী শব্দ আছে। আগরতলার উড়িয়া অধ্যাপক আগোয়ো মাতলোতা মোর এলা এতা উড়িয়া শব্দলো বুজেছে। মারাঠী, নেনালী ইত্যাদি ভাষাভাষীয়েউ মোর এলা এতা ছনলে ইমে মাততাইতা — এতাত ছদ্দা মারাঠী বা নেনালী শব্দগোই মাহেই। ভাষা এতা হাবির অভিধান উতা খুলিয়া চেইবাঙ, হাবির ভাষার অভিধানেউ মোর শব্দ এতা আছে। আসলে ব্যাপারহান কিহান বুললে, শব্দ এতা বাংলা, অসমীয়া, হিন্দী, উড়িয়া, মারাঠী,

নেপালী বা এসাদে কোনো ভাষার শব্দ নাগই; এতা হাবির সংস্কৃত শব্দ । ভারতর হাবির ভাষাত — বিশেষ করিয়া সংস্কৃতত উৎপন্ন অ'ছে ভাষা উতাত — এ সংস্কৃত শব্দ এতা নিয়াছিগাতা নিজর নিজর ভাষা - সাহিত্যর উন্নতিয়গা । আমার পূর্বপুরুষ আর্থা উতাই আমারকা বুলিয়া এ সংস্কৃতর ভাণ্ডার এগো থুরাদিয়া গেছিগাতা — য়েবাকা আমার দরকার পড়ের উবাকা ভাণ্ডার উগোত্ত শব্দ উতা তুলিয়া আনিয়া আমি আমার ভাষা-সাহিত্যরে সমৃদ্ধ করবাঙতা বুলিয়া । অন্যান্য ভাষার কবি-লেখক গিরকগাছিয়ে রস বারো পরিবেশ সৃষ্টির প্রয়োজনে য়েবাকা য়ে শব্দর দরকার অ'র, উবাকা ঐ শব্দ উতা সংস্কৃতত আনিয়া তানু সাহিত্য হঙকরতারাতা । আমিও আমার ভাষা-সাহিত্যর প্রগতিরকা সংস্কৃতত এ শব্দ এতা আনিয়ারগাতা । মোর এলা এতা ছনাল আমার শৌ এতাই 'বাংলা শব্দ' বুলিয়া মাততারা শব্দ উতা এতাঃ নন্দনন্দন, নন্দিনী, ভানুসুতা, যমুনা পুলিন, তীর, বিপিন, কানন, নটরর, শোভা, নিশি, অবসান, নাগর, নাগরী, তমালতরু, পুষ্প, বৃক্ষমলে, চল্ল, নর্তন, চরণ, মব. নবীন, শ্রীকণ্ঠে, কটিকটে, পীতাম্বর, তরঙ্গ, স্নন্দর, জলধর, মধুকর, ভ্রমর, গুঞ্জর, পবন, সমীর, কিশোর, সজ্জ, পনৌ, সজ্জনি, সখীগণ, করুণা, বক্ষ, উপর, নিতা, পুষ্পাঞ্জলি, বিহার, বংশীধ্বনি, নয়ন, মৌলকানুমণি, বিনোদিনী, সুবদনী, কমলিনী, সৌদামিনী, সুনাগর, রসিকশেখর, ইত্যাদি । এতা একেপণে হাবির সংস্কৃত শব্দ; বারো এতা ছুদা বাংলা নাগই, আগে মাতে গেলাঙগা ভাষা উতা হাবির সাহিত্যত নিয়াছিগাতা. যদিও কোনো ভাষাভাষীয়েউ তানুর দৈনন্দিন কথাবার্তাত শব্দ এতা ব্যবহার নাকরতারাত । এ শব্দ এতারে 'বাংলা শব্দ' বুলিয়া মাতানি উহান সংস্কৃত বারো অনান্য সংশ্লিষ্ট ভাষা সম্পর্কে — বিশেষ করিয়া বাংলা সম্পর্কে যথার্থ বারণার অভাব থানার দরুন অ'রহান । অনেকে মাততারাতা, এসাদে শব্দ এতা আনলেগা আমার ভাষার স্বকীয়তা বা বৈশিষ্ট্য না থাইতই । কিন্তু এহান সম্পূর্ণ ভুল ধারণাহান । ভাষার বৈশিষ্ট্য রক্ষা করেবতা ক্রিয়া, শব্দরূপ বারো সর্বনায়ে

এবং কোনো কোনো ক্ষেত্রে বিশেষণ বা অন্যান্য শব্দই। যেমন, 'নাচে দেখ পুলিন বিপিনে' বুললে বাংলাহান অ'ইতই, 'নাচত পুলিন বিপিনে' বুললে ব্রজবুলিহান অ'ইতই, বারো 'নাচতারা পুলিন বিপিনে' বুললে বিষ্ণুপ্রিয়া মণিপুরীহান অ'ইতই। ঠিক উসাদে 'ব্রজের রমণী' বুললে বাংলাহান অ'ইতই, বারো 'ব্রজর রমণী' বুললে বিষ্ণুপ্রিয়াহান অ'ইতই ।

এবারে প্রশ্ন উঠেবতা যে, শব্দ উতা বাংলা নায়াউ থাক, বা সংস্কৃত অ'য়াউ থাক, উতা আনানির দরকারহান কিহান? আমার নিজর শব্দ আছে এতালো রচনা করলেতো কিতা'ইল ? ও প্রশ্নর উত্তর হানি এহানি :

১। এ সংস্কৃত শব্দ এতা বাদ দিলে বিষ্ণুপ্রিয়া শব্দর সংখ্যা দশ হাজারর গজে না'র । উতার ভিতরে ইংরাজী বারো আরবী - পারসী আছেতা ছই হাজারর চুরা — যেতা কুঞ্জলীলাত কোনোপ্রকারেউ ব্যবহার করানি নাকরের । গতিকে থাইলতা আট হাজারর চুরা শব্দ । উতার মাজে অত্যন্ত হালকা বারো কামে নালাগের শব্দ উতা বাদ দিলে মাত্র চারি হাজারর চুরা শব্দ থাব । এ শব্দ এগিলো হাকি রস বারো ভাব ফুটানি কোনোপ্রকারেউ সম্ভব না'র । উহানলো বিভিন্ন রস বারো ভাব ফুটানিরকা যেকাই দরকার পড়ের, উবাকাই আমি সংস্কৃত শব্দ আনানিত বাধ্য অ'য়ারতা । ভারতীয় হাকি লেখকেই এসাদে করিয়া নিজর নিজর সাহিত্যে সমৃদ্ধ করেছিতা । 'আমারতা ইমে যেগি শব্দগি আছে এগিলো সাহিত্য করিক' বুলানি উহানতে 'পাছি ধান এগিলো ইমে কোনোরকম জেঠমাহান পেয়া চলিক' বুলিয়া অন্য রোজগারি নাকরিয়া বয়া থানাহান পায়া ।

২। কবিতা বা এলার মাত্রা মিলানিরকা কারো অন্ত্যমিল করানিরকাউ এ শব্দ এতার দরকার উহানে মাত্রা বারো অন্ত্যমিলর প্রয়োজনে পবন বা সমীর, বজ্রনী বা নিশি, কানন বা বিপিন ইত্যাদি শব্দর ভিতরেত্ত বাছে বাছে দরকারী শব্দ উতা আনানি লাগেবতা ।

৩। হাবিত ডাঙর বিষয়হান এহান যে, রাধাকৃষ্ণর গভীর
 বারো গভীর লীলা এতা আমি বিয়ানবেলুকা ভতারেয়ার সাধারণ
 শব্দ এতালো প্রকাশ করানি সম্ভব না'র । রাধাকৃষ্ণর দিব্যলীলা
 প্রকাশরকা দিব্যভাষা লাগের । বারো দিব্যভাষা অ'ইলতাই এ
 সংস্কৃত ভাষা এহান । উহানলো আমার বৈষ্ণব গিরি গিধানীয়ে
 আলাপ করতে বা পণ্ডিত গিরক গাছিয়ে গীতা - ভাগবত পাঠ করতে
 ব্যবহার করতারা শব্দ উতা চেইবাঙ — হাবি সংস্কৃত । আমি
 'ভাত খেইলেতা ?' বুলিয়ার উহান বৈষ্ণবে মাততাইতাই 'ভোজন
 করলেতা ?' বা 'প্রসাদ করলেতা ?' আমি মাতিয়ারতাই 'পানি
 ফুটি দে'; বৈষ্ণবে মাততাইতাই 'জল ফুটি দে' । আমি 'গারিগো'
 বুলিয়া মাতিয়ার উগোরে রাধাকৃষ্ণর প্রসঙ্গত বৈষ্ণবে মাততাইতাই
 'অঙ্গগো' । এসাদে 'ভোজন', 'প্রসাদ' 'জল', 'অঙ্গ' ইত্যাদি শব্দ
 এতা হাবি সংস্কৃত শব্দ । আমি সাধারণ আলোচনাততে 'আঙ
 ধনার পানিফুটি দেইতা' বুলিয়ার; বৈষ্ণব - সেবার সময়ততে . 'চরণ -
 ধোত করানির জল ফুটি দেইতা' বুলিয়ার । সাধারণ বর্ণনাততে
 'কলিকাতা — বোম্বাই বুলিয়া আহিলুগাতা' বুলিয়ার, তীর্থর কথা
 মাততেতে 'নবদ্বীপ - বৃন্দাবন পরিক্রমা করিয়া আহিলুগাতা' বুলিয়ার ।
 এহান সর্বজন স্বীকৃত বীতিহান । লৌকিক বর্ণনাত 'ধনঞ্জইর পুতকে
 ঘাগরার পুলিনে বয়া বংশীধ্বনি কবের কাল উহানাত' বুললে
 হাস্যরসর সৃষ্টি অ'র; ঐ ক্ষেত্রত মাতানি লাগেরতা 'ধনঞ্জইর পুতকে
 ঘাগরার পারে বয়া বাশী রহার সময় উহানাত' । শ্রীকৃষ্ণর ক্ষেত্রততে
 'নন্দনন্দন শ্রীকৃষ্ণই যমুনা - পুলিনে বয়া বংশীধ্বনি কবলো কাল
 উহানাত' বুললে তবে ঠিক ঠিক রস উহান পরিষ্কৃত অ'র ।
 এসাদে করে রাধাকৃষ্ণর দিব্যলীলা বর্ণনারকা রাস - কীর্তনে দিব্য
 সংস্কৃত ভাষা উতা আনানি লাগেরতা, না'ইলে রসভঙ্গ অ'র । মি
 রাস-কীর্তনে ব্যবহার করেছু শব্দ উতাউ হাবি এ সংস্কৃত শব্দ এতা ।
 কৃষ্ণলীলার ভিতরে বারো রাসলীলা এহান হাবিত গভীরহান অ'নাই
 এহানাত সংস্কৃত শব্দর ব্যবহারো হাবিত মিয়ার করেছুতা । আমার

শৌরে মোর এলাত 'বাংলা শব্দ' বুলিয়া মাততারা উতা হাকি সংস্কৃত । মোর সমগ্র রাস, রাখুরাল বারো কীর্তনের রচনাত বাংলা শব্দ ব্যবহার করেছুতা পাচ-ছয়গৌ অ'ইব কি মাইব ! উতাউ ব্যবহার করেছুতা প্রয়োজনর খাতিরে । আমার শৌরে 'বাংলা এলা' বুলতারা উতাত আমি বারো বাংলা-শব্দ বিছারেয়া নাপেয়ার । দৃষ্টান্ত আহানি লইক : পুতকগোরে হাকি বাঙ্গালীয়ে 'ছেলে' বুলতারা তাহে ; অথচ পদাবলীর কুনো এলাত "ছেলে" শব্দতে কেনে 'পুত্র' - শব্দ পেয়াউ নেই । পদাবলীত 'ছেলে' - শব্দর কামে ব্যবহার করতারা তা 'নন্দন' - শব্দ; যেমন, নন্দনন্দন, যশোদা-নন্দন, শচীনন্দন ইত্যাদী । ঠিক উদাহরে জিলকগোরেউ 'মেয়ে' না বুলিয়া 'নন্দিনী' বা 'সূতা' বুলতারা; যেমন 'ভাছুসূতা' 'ভাছুর নন্দিনী' ইত্যাদী । ব্যবহারেতে কুনো বাঙালী আগোয়ো শব্দ এতা ব্যবহার নাকরতারা । বাংলা এলা বুলিয়ার উতার পঙক্তি কতোহান বিচার করিয়া চেইক : 'নৃত্যতি বিপিনে বনমালী', 'নাচত শ্রীরাধা চন্দ্রাবদনী', 'নৃত্যতি রাধা আজু রাসমণ্ডল মাজে', 'ভুবনমোহিনী রূপে যৌবনী', 'শ্যাম সুনাগার বসিকশেখর' 'বতিরণ-অবসানে', 'চিন্তামনি ভূমি তহপরি বজ্রিত গোপিকা-পাদবেরু ইত্যাদী অসংখ্য এলা আছে যেতাত বাংলা শব্দ আগো কৃপকরে বিছারেয়াউ নাপেয়ার । এতা পুরাপুরি সংস্কৃত; কুনো বাঙালী আগোই ততারতে এতা ব্যবহার করতারা নাগই । বাঙালী পদকর্তা গিরকগাছিয়ে ছন্দা বিশেষা বিশেষণ নাগই ; ক্রিয়া পর্য্যন্ত সংস্কৃত আনতারাগাতা । তানু 'নাচে' বা 'নাচিতেছে' নাবুলিয়া 'নৃত্যতি' বুলতারা । ছন্দা পদাবলীর কথাতে কেনে, মধুসূদনর 'মেঘনাদ-বধ কাব্য' পাকরিয়া চেইক — আশুতা পাতা আহানাত বাংলা শব্দ চারি-পাচগৌ বিছারেয়া নাপেইবাং — ক্রিয়া পেয়া সংস্কৃত । স্ববীন্দ্রনাথ ঠাকুরর কবিতা পারেউ আহানি চেইক — "পতন অভ্যুদয় বন্ধুর পন্থা যুগযুগ বাধিত যাত্রী । হে চিরসারথি তব রথচক্রে মুখরিত পথ দিন-রাত্রি ।" পারেউ দিয়োহানি ইমে সম্পূর্ণ সংস্কৃত । নজরুলর এলা


ছনবাঙ : তা ভজন ইকরের উপেই হাবি শব্দ সংস্কৃত, অথচ লৌকিক বিষয়র এলা উতাত তা প্রচলিত শব্দই ব্যবহার করের।

আমার ভাষার ডাঙর গুণ আহান এহান যে, এ ভাষাত আমি ইচ্ছামতো সংস্কৃত শব্দ আনিয়া ব্যবহার করে পারিয়ার। আমার ভাষার এ সামর্থ্য এহানরে আমি কামে লাগেয়া পারিল মাছেই সংস্কৃত শব্দ আনিয়া আমার শব্দ ভাণ্ডারগো ডাঙর করানি লাগেব। হুদা 'আমার শব্দ', 'আমার শব্দ' বলিয়া থাইলে সাহিত্যর অগ্রগতি নাইতই। আরাক কথা আহান, যেতারে আমার শৌ এতাই 'আমার শব্দ' বুলতারা, উতার অধিকাংশই কিন্তু মেইতেই শব্দ। বারো মেইতেই শব্দ এতা স্বভাবতঃ হালকা অ'নাই উতালো গভীর আধ্যাত্মিক ভাব প্রকাশ করানি সম্ভব নার। উহানলো মি রাধাকৃষ্ণ লীলাত মেইতেই শব্দ এতা আট-দশগো ছাড়া হাবি বাদ দেছুতা। প্রসঙ্গ ক্রমে মাতানি যাকরের যে, মেইতেই ভাষা এহান হালকা অ'নাই এবং এ ভাষাত সংস্কৃত গ্রহণ করানির সামর্থ্য নাথানিয়ে মেইতেই পদাবলী উন্নত পর্যায়ত্ব কা'না অনেক কটিন।

যেহাউ জ'ক, এলা, কবিতা যে কুনো রচনা বিচার করানিত যিতেগা কথা এতা হাবি ক'পরে বিচার করানি লাগেব। হুদা হুজুর চুটে কথা আহানি মাতে বেললেই লম না'ব। বিশেষ করিয়া এ কথা এতা হাবি সাহিত্য-সমালোচনার কথা। এবং সাহিত্য - সমালোচনা করতে গেলেগা সাহিত্য তহুউ খানি তামকরানি লাগেব; ট্রেইনিঙো খানি নেনা লাগেব। যেমন, 'রস' বুলতারা এহান কিহান, রস কতো প্রকার, 'ভক্তি' বুলতারা এহান কিহান, শব্দর তর্গ বতো প্রকার অর্থ্যে অভিধা-লক্ষণা-বাঞ্ছনা এতা কিতা ইত্যাদি বিষয় উতা খামি শাস্ত্র বারো অজালোক রাঙতো ঠিকানী লাগেব। উতা কিতা না করিয়া এসাদে সাহিত্য সমালো-চনা করানি এহানতে ইমে বিষ্ণুপ্রিয়াব 'লেইরিক না তামকরিয়াউ পণ্ডিত' অ'নার জাতীয় চরিত্রহান। এহান নিয়াম সাকতি লক্ষণহান। এসাদে সমা-লোচনালো আমার সাহিত্য সংস্কৃতির অগ্রগতির' পথগো রুদ্ধ নাকরেদিবাঙ। সমালোচনা বেতাউ করিক, এহান যনে থনা লাগতই

য. এসাদে সংস্কৃত শব্দ আনিয়া ইকরানি এহানেই পদাবলীর একমাত্র পথগো; অন্য পথ নেই। এ পথ এগো নালয়া আজি-কালি আমার চারবরতা বুলিয়া দিতায়া রাস-কীর্তনর এলা উতা কাচ্চা কাচ্চা বারো অপরিশীলিত শব্দলো ইকরানিয়ে আমার রাস-কীর্তনর পবিত্র বাবোগন্তীর রূপ উহান ধ্বংস অ'যাৱগাতা। আজি আবেগর চুটে আমার শো এতাই কথা এতা না'করিয়াউ থাকা; কালি তানু যাকরতে বাধ্য—উহানাত মোর বিন্দু আহানো সন্দেহ নেই। এ কথা এতা মি অসংখ্য প্রবন্ধত মাতে গেছুগা। আমার ছাত্রযুবক এতাই উক্তা তামকরলে হয়তো আজি এসাদে প্রশ্ন না উঠিল অইছ। তানুরে ও প্রবন্ধ উতা তামকরানিরকা বারো এ বিষয়ে নিরপেক্ষ বারো গভীরভাবে খালকরানিরকা হেইচা করুৱা





বিষ্ণুপ্রিয়া মণিপুরী সাহিত্য, ব্যাকরণ বাবো বানান সম্পর্কে

মাননীয় সভাপতি গিরক বাবো পুলোদেছি গিরিগিথানী.

বিষ্ণুপ্রিয়া মণিপুরী ভাষা-সাহিত্য-ব্যাকরণ বানান সম্পর্কে আমার বক্তব্য আমার অসংখ্য রচনার মাধ্যমে প্রকাশ পাবে। কিন্তু এ সমাজে নিরপেক্ষ দৃষ্টিভঙ্গী বাবো বৈজ্ঞানিক চিন্তাধারার নিদারুণ অভাব অ'নার ফলে আমার ও বক্তব্য উভয় যথাযথ মূল্যায়ন নাব। তথাপি নুবা নিকুলে আহিতারা শিক্ষিত যুবক-নিঙোলরাঙতো নিরপেক্ষ বাবো বিজ্ঞানসম্মত দৃষ্টিভঙ্গীর আশা হয়। বিশেষ বিশেষ বিষয় কতোহানর গজে আজি আমার বক্তব্য আহানি থইক।

সাহিত্যের মূল্যায়ন সম্পর্কে -

বিষ্ণুপ্রিয়া মণিপুরী সাহিত্যের ইতিহাস সম্পর্কে আমি 'প্রবন্ধমালা'র প্রথম খণ্ডত নাতিদীর্ঘ দিগ্‌দর্শন আহানি দিয়াছি, কিন্তু সাহিত্যের মূল্যায়ন এবাকাউ আমি যথাযথভাবে নাকরেছি। কারণ, এ সমাজে নিরপেক্ষ বাবো বৈজ্ঞানিক চিন্তাধারার নিদারুণ অভাব অ'নায়, সাহিত্য-সমালোচনা ছনানির মানসিকতা আমার সাহিত্যিকর ভিতরে এবাকাউ নাহেছে। সাহিত্য সমালোচনা করলে উতারে বাক্তিগত শত্রুতা বলিয়া ব্যাখ্যা করতারা। সমাজে আবাক থানি শৃঙ্গ পরিবেশ আহিলে আমি সাহিত্যের নিরপেক্ষ মূল্যায়ন করতাঙাই। তবে সংক্ষেপে আমি এহান মাতে পাতিয়ার যে, আমার সাহিত্যের মাত্র পঞ্চাশ-ষাইট বছর ইতিহাসে এ সাহিত্য এহান পারিপার্শ্বিক অসমীয়া-বাংলা আদি উন্নত সাহিত্যের লগে জুড়ি দেনা পারের। এ বক্তব্য আমি 'তিন দিনর বাংলাদেশ ভ্রমণ'-নাঙর পুস্তিকাত একাধিক ফামে থছি।

● বিষ্ণুপ্রিয়া মণিপুরী সাহিত্য পরিষদের ১৯৯৩ ইংরাজীর ২৫-২৬ ডিছেম্বরে কালানিত অনুষ্ঠিত সম্মেলনে প্রদত্ত ভাষণ।

সাহিত্যত শব্দচয়ন সম্পর্কে

বিয়ান-বেলুকা য়েপেই-হেপেই তত্ভায়েয়ার কথা ওতাবে আমি সাহিত্য নাবুলিয়াব। বিশেষ বক্তব্য আহানরে ঔ বক্তব্য বিষয়র বস বারো পরিবেশর অনুকূল শব্দর যথাযথ প্রয়োগর মাধ্যমে প্রকাশ করে পারলে উহান সাহিত্যর পর্যায়ে কাম পাবতা, অর্থাৎ বস বারো পরিবেশ অনুযায়ী যথাযথ শব্দচয়ন করিয়া বাক্যসৃষ্টি করলে উহায়ে সাহিত্য বুলিয়াবতা। গ্রামা বা অপরিণীলিত মানু বা কনাকশৌর পরিবেশ সৃষ্টি করতে মিত্য-বাবহৃত বারো মেইতেইত আগত শব্দর প্রয়োগ করানি লাগের, উপেই ভরি ভরি সংস্কৃত শব্দ বাবহার করলে না চলতই। অগ্বেদে, দর্শন, ধর্ম বা বাধাকুঙ্কলীলাবিষয়ক রচনা এবং বীরবস বা যে কোনো গান্ধীর্ষ্যপূর্ণ রচনাত সংস্কৃত শব্দর বাহুল্য থানাই লাগতই, প্রচলিত সাধারণ শব্দ বা মেইতেই শব্দলো উতা কোনোমতেই প্রকাশ করানি সম্ভব না'র। এ পার্থক্য এহান ধরে মুরারিয়া অনেকগোই আমা'র বিরুদ্ধে অভিযোগ আনতাবাতা আমি উনি ছদ্দা বাংলা শব্দলো সাহিত্য করিয়ার। এ বিষয়ে বক্তব্য থইতে গিয়া পইলাই আমি মাতানি মনেয়ারতা যে, এ গিরিগিথানীয়ে যেতায়ে 'বাংলা' বুলতারা ওতা আকহানো বাংলা নাগই। এ শব্দ এতা ভারতবর্ষর হাবি আর্ষ্যভাষাতো বাবহৃত অ'বতা। আমা'র গিরিগিথানী এতাই ছদ্দা বাংলা তামকরিয়া অগ্ভাষাতে আলোচনা না করতারা হানলে অগ্ভ ভাষাতো শব্দ এতা আছেহান ভারনাপেয়া এতাবে ইমে 'বাংলা' বুলতাবাতা। বস্তুত: অসমীয়া হিন্দী, উড়িয়া গুজরাটী, নেপালী ইত্যাদি হাবি ভাষাতো আলোচ্য শব্দ এতা আছেছেতা সংস্কৃতত। সংস্কৃত ভাষা এহান আমা'র পূর্বপুরুষে আমা'রকা থদিয়া গেছিগা বহুভাণ্ডারগো। ঔ বহুভাণ্ডার উগো লুটিয়া অগ্ভাভাষার সাহিত্যিকে তামু'র সাহিত্য সম্পদ বৃদ্ধি করতারা। আমি বারো ঔ বহুভাণ্ডার উগো অনাদর করিয়া যেগি ততাবেয়ার শব্দ উগিলো আটিট-

পিটিট অ'য়া সাহিত্য ইকরা'নি । এতা দারিদ্র্য'র লক্ষণ । আরাক
আকবেদে আমা'র গিরিগিথানীয়ে যেতা'রে 'নিজ'র শব্দ' বুলতা'রা
ওতা'র মকই-শতাংশ মেইতেই শব্দ । আমি মণিপু'রে মেইতেই'র
লগে কতো 'শতাব্দী থানাই তামো'র শব্দ ওতা গ্রহণ করিয়া,
ওতা'রে 'নিজ'র শব্দ' বুলিয়া, আমা'র নিজ'র পূর্বপুরুষ'র সংস্কৃত
শব্দ ওতা'রে 'আমা'র শব্দ নাগই' বুলিয়া উরা বেলেয়া'রতা ।
এহান'রে আমি 'নিজ'র মালক'রে উরা বেলেয়া অন্য'র মালক'রে
মালক বুলানিহান' বুলিয়া মাতে পারিয়ার । আমি কিন্তু অন্য'র
মালক'রেউ আদর করিয়ার, তবে নিজ'র মালক'গো'রে শ্রেষ্ঠ আসন-
হান দিয়ার । আমা'র লোকসঙ্গীত বা'রো 'কবিতা-মালা'র প্রথম
ভাগে প্রকাশিত গ্রাম্য-পরিবেশ'র কবিতা ওতা পাকরলে দেখতা-
ঙাই যে, ওতাত হজক'রকাউ অন্য গিরিগিথানীয়ে 'বাংলা' বুলতা'রা
সংস্কৃত শব্দ ওতা আগো নেই । এজাত শব্দ আমি বাবহার
করিয়া'রতা গান্ধীর্ষ্যপূর্ণ রচনা বা'রো রাধাকৃষ্ণলীলাবিষয়ক
গীতিকাত । এজাত রচনাত, বিশেষ করিয়া রাধাকৃষ্ণলীলাবিষয়ক
গীতিকাত সংস্কৃত শব্দ'র বাহুল্য থানা এহান নিতান্ত আবশ্যকীয়-
হান । অন্য ভাষা'র পদাবলী আলোচনা করলেউ দেখতাঙাই
যে পদকা'র ওতাই হাবি সংস্কৃত শব্দ দিয়া হাদিত হুদা
ক্রিয়াগোলো নিজ'র নিজ'র ভাষা'র বৈশিষ্ট্য রক্ষা করেছি'তা ।
আমিও ওসাদে রাধাকৃষ্ণ গীতিকাত পারিল মা'হেই সংস্কৃত শব্দ
বাবহার করিয়া'রতা । কারণ, রাধাকৃষ্ণ-লীলা'র ভাষাহানেই এহান ।
উহানলো ধর্মীয় পরিবেশে ডাত, পানি, গু'রা এতা'রে অন্ন জল,
তাম্বুল বুলতা'রাতা, জাঙ ধনা'রে চরণধৌত ক'রানি বুলতা'রাতা,
থানা'রে ভোজন ক'রানি বুলতা'রাতা । 'ধনে'র পুতক কোই'রেঙে
বই'রাক'র পারে বয়া বাশী বাজার'—এ কথা এহান'রে 'ধনে-নন্দন
কোই'রেঙে বই'রাক'র পুলিনে বয়া বংশীধ্বনি করে'র' বুললে
না' ইতই, কিন্তু 'নন্দ-নন্দন শ্রীকৃষ্ণই যমুনাপুলিনে বয়া বংশীধ্বনি

কয়ের' বুললেতে চপকো খাটের । এতা কথা না খালকহিয়া
গিরিগিথানী আকতাই প্রচলিত মেইতেই-ঘেঘা শব্দলো রাধা-
কৃষ্ণলীলা পৰিবেষণ করতে গিয়া আমার রাধাকৃষ্ণলীলায়ে
ছারখার করেদিসাতা । তানোর এজাত ভাষালো লোকসঙ্গীত
ইকরোকা, আমার আপত্তি নেই ; রাস-কীর্তনর ভাবগন্তীর
ক্লাছিকেল এসাত কিন্তু এতা শব্দ সম্পূর্ণ বর্জন করানি লাগতই ।
এতা সম্বন্ধে আমি অসংখ্য প্রবন্ধত দীঘল বক্তব্য থছি, কিন্তু
কুনোগোই না ছনতারা । তবে মনে থইবাও, এসাদে সাহিত্যর
আয়ু মাত্র আরাক চাব্বি-পাচ বছর ।

ব্যাकरण-সম্পর্কে

বিষ্ণুপ্রিয়া মণিপুরী ভাষার ভাষাতত্ত্ব বাবো ব্যাকরণ সম্বন্ধে
আমার যেতা যেতা বক্তব্য আছে, ওতা হাবি আমি বিভিন্ন
প্রবন্ধত, বিশেষ করিয়া “বিষ্ণুপ্রিয়া মণিপুরী ভাষাতত্ত্বর রূপ-
রেখা’ নাঙর গ্রন্থ ওহানাত সূক্ষ্মভাবে আলোচনা করে গেছিগা ।
অথচ উচ্চশিক্ষিত গিরিগিথানী আকতাই ইমে দিনকার মাততা-
রাতা—আমার ব্যাকরণ নেই, ‘আমার ব্যাকরণ ইকরিক’
বুলিয়া । আমার ব্যাকরণ ওহান তামকরিয়া ওহানর গজে
কুনো বক্তব্য থায়া মাতলেতে ওতা আলোচনা করিক; লেই-
রিক ওহানো না তামকরিয়া, ওহান সম্বন্ধে আলোচনাউ মাকরিয়া
ইমে ‘ব্যাকরণ নেই, ব্যাকরণ ইকরিক’ বুলিয়া মাতানি এহান
বাস্তববে হার নাপেয়া, বা হারপানি নহেউ অস্বীকার করিয়া
চলানিহান ছাড়া কিতাউ নাগই । এতা আমার সমাজর যথার্থ
শিক্ষানুশীলনর অভাবেত্ত অ’রতা । আমার ব্যাকরণ ওহান
পাকরিয়া বাবো নিরপেক্ষ এবং বৈজ্ঞানিক দৃষ্টিলো আলোচনা
করিয়া কুনো বক্তব্য থাইলে মাতিক; ওতার পিছে আমার
বক্তব্য থাইলে মাততাঙাই ।

বানান-সম্পর্কে

বিষ্ণুপ্রিয়া মণিপুরী সাহিত্যর অন্তর্দিগর ইতিহাসে বানানর

বিষয়ে একরকম সামা আহান আয়া হদাছে, এহান মিয়াম
 আনন্দর বিষয়হান । আগ, আগো ; মোরেল
 মোরেলো, তোমার, তুমার — এসাদে ছোটখাট কতোহান
 ক্ষেত্রত বানানর মতভেদ থাইলেউ এ মতভেদ এহানি আমি
 একরকম মানিয়া নেছিগা, কারণ এ মতভেদ এহানিয়ে
 আমার সাহিত্যর কোনো অনিষ্ট নাকরের । কিন্তু ক্রিয়াত
 ছ-ব্যবহার করানি, না, দন্ত্য-স-ব্যবহার করানি—এ মতভেদ
 এহানে আমার বানানরে ভীষণভাবে সমস্যার সম্মুখীন করেছে ।
 দীর্ঘদিন ধরিয়া ছাবিয়েউ ছ-বর্ণ এগো ব্যবহার করে আহিতারাগো ।
 বর্তমান লেখক এগোই ডক্টরেট ডিগ্রি পানার সময়ে পুৰি
 গিরিগিথানী কতোগোই কোনো বিশেষ কারণে ক্রিয়াত দন্ত্য-স-
 ব্যবহার এহানর প্রবর্তন করলাতা । এ দন্ত্য-স বর্ণ ব্যবহার
 এহান যে সম্পূর্ণ অযৌক্তিক বাবো অবৈজ্ঞানিকহান—এ সম্বন্ধে
 আমি অসংখ্য প্রবন্ধ ইকয়েছি । কিন্তু সমাজে বৈজ্ঞানিক চিন্তা-
 ধারাত ব্যক্তিগত স্তরে অসহনশীলতারূপ মানসিক তার প্রাচুর্য
 থানাই আমার বক্তব্য উতাব যথাযথ মূল্যায়ন না'র । আমার
 সহজ-সরল বক্তব্য উতাবে খণ্ডন করানিরগা কোনো কোনোগোই
 বেদ বেদান্ত-পাণিনির কথা আনে আনে মানুষে বিভ্রান্ত করতারা ।
 কিন্তু হারপানি লাগতই যে সত্য হামেশাই সরল, অসত্য অ'ইলেই
 জটিল অ'রতা । আমার সত্য বাবো সরল বক্তব্য উতাব
 যথাযথ অনুসরণ করলে দেখতাতাই যে, ক্রিয়াত ছ-বর্ণ-ব্যবহারর
 যৌক্তিকতা অস্বীকার করানির বিন্দু আহানো যুক্তি নেই ।
 আমার ইচ্ছা দিনর বক্তব্য উতাব পুনরাবৃত্তি নাকরিয়া উতাবে
 আবৃত্তাউ সরলীকৃত করিয়া আজি এ বক্তব্য এহানি থায়াঃ—
 ১) আমি ছ-বর্ণ বা ছ-ছিন্নল এগোরে উচ্চারণ করিয়ারতা
 Sa-রূপে ; Chha- রূপে নাগই ; যেমন — ছবি, ছাত,
 ছন্দ ইত্যাদি সংস্কৃত শব্দরে আমি উচ্চারণ করিয়ারতা —
 Sabi, Saatra, Sanda, — এসাদে, Chhabhi Chhaatra,
 Chha nda এসাদে নাগই । আমার পাঠশালা বা এম্ ই

ইক্ষুলর ছাত্রছাত্রীরা আমি জুর করিয়াউ **Ebha** - উচ্চারণ
এহান হিকা বুঝারিয়া-এহান হাৰিয়েউ পরীক্ষা করলে হার-
পেই তাড়াই ।

২) অন্যবেদে দন্ত্য-স-বর্ণ বা স-ছিন্নল এগারে আমি
উচ্চারণ করিয়াবতা **Sha** রূপে, **Sa**—রূপে নাগই । এসাদে,
আসন, সিংহ—এ সংস্কৃত শব্দ এতারা আমি উচ্চারণ করি-
য়াবতা **Prashaad**, **aashan**. **Shingha** এসাদে **Prasaad**
aasan, **singha** — এসাদে নাগই । বর্ণমালা পাকরতেউ
দন্ত্য-স এগারে উচ্চারণ করিয়াবতাউ — **dantya-Sha**
বুলিয়া, **dantya-sa** বুলিয়া নাগই । এ **sha** ধ্বনি
এগো ক্রিয়াত ব্যবহৃত অ'ইলে **Sa** ধ্বনি অ'না, অর্থাৎ ছিন্নল
আকগোলো উচ্চারণ উহান প্রকাশ করানি উহানতে কিসাদে
বৈজ্ঞানিক নীতিহান ?

৩) আমি ছ-ছিন্নলগোর উচ্চারণহান **Sa** রূপে করিয়াব
আরো ক্রিয়াত **a'se**, **aase**, **aasu**, **aasil** — ইত্যাদি
উচ্চারণবে অ'ছে, আছে, আছু, আছিন-এসাদে ইকরিয়াবতা ।
এ ক্রিয়া এতা দন্ত্য-স-গোলো ইকরলে উতার উচ্চারণ
অ'ইতইতা— **a'she**, **aashe**, **aashu**, **aashil**, — এসাদে,
যেতারা আমি **Standard** উচ্চারণ নাবুলিয়া অপরিণীলিত
উচ্চারণ বুলিয়ার ।

৪) যদি পরিণীলিত উচ্চারণ উতা অসে, আসে, আসিন-
এসাদে ইকরিয়ার উহান অ'ইলে অপরিণীলিত উচ্চারণ **a'she**
aashe, **Kareshe**, **Desil** ইত্যাদি শব্দতে কিসাদে ইকরতা-
ড়াই ? নিশ্চয়ই ভালব্যাশ দিয়া অ'শে, আশে, কয়েশে
দেশিল এসাদে ইকরানি লাগতই ! এসাদে পাগলামি এতা
নিজর জিদ থইতে গিয়া বানানধারারে সম্পূর্ণ বিকৃত করানির
পথ ছাড়া কিসাউ নাগই ।

এ সাধারণ কথা এতারা বেদবেদান্ত-পানিনি বারো ভাষাতত্ত্ব
কথালো জটিল করানি উহান মুহু চিন্তাধারার লক্ষণহান নাগই ।

এ ছ'-ধ্বনি এগো কিসাদে আহিল, উহান ব্যাকরণর আলোচ্য বিষয়হান নাগই ; উতার আলোচনা অ'ইলতাইতা ভাষাতত্ত্বত । ব্যাকরণে আলোচনা করেবতা বর্তমানর বাস্তবে ব্যবহৃত শব্দ বাস্তব উচ্চারণর কথা ; ভাষাতত্ত্বই ঐ সত্য উহান সীকার করিয়া মিয়া উতার ইতিহাস আলোচনা করেবতা । তথাপি যদি এপেই ভাষাতত্ত্বর কথা তুলিয়ার, উহান অ'ইলে মাত্ততাড়াইতা-

(৫) ভাষাতত্ত্বর দিকেক্ত ক্রিয়াত ছ'-বর্ণর ভিত্তিগো আবতাউ অখণ্ডণীয় । কারণ আচ্-ধাতু বাবো -ছে, ছু ছি ইত্যাদি ক্রিয়া-বিভক্তি এতা আহেছেতা প্রাকৃত অচ্-ধাতুত । এহানর বিপক্ষে কুনো প্রমাণ উঠে নুহাবে —এতা ভাষাতত্ত্বর প্রথম ভাগর কথা । তথাপি দন্তা-স-বাদীর জাতার্থে নিয়লিখিত উদ্ধৃতি এহানি দিলাঙ—

১) "অস্তেরচ্ছঃ"—প্রাকৃতপ্রকাশ, ১২ : ১৯ অর্থাৎ প্রাকৃতত [মহারাষ্ট্রী, শৌরসেনী বাবো মানধীত] সংস্কৃত অস্-ধাতু উগো অচ্-ধাতুত পরিণত অ'র । ঐ অচ্-ধাতু উগোত আহ্-ধাতু অ'ইলতা পরবর্তী কালে ।

২। "বর্তমান মে' অস ধাতুকে রূপ — অচ্ছই, অচ্ছন্তি, অচ্ছসি ' অচ্ছহ, অচ্ছামি " ইত্যাদি — প্রাকৃত ব্যাকরণ , মধুসূদন মিশ্র, ! পৃ ১১৮ ।

৩। "আচ্-ধাতু < প্রাকৃত অচ্-ধাতু"— An Etymological Dictionary Of Bengali Sukumar Sen.

৪। "আছে < অচ্ছই < অচ্ছন্তি, বাংলা ভাষাতত্ত্বের ইতিহাস, কৃষ্ণপদ গোস্বামী, পৃ ১৩৮ ।

৫। "aach -is- (MIA acchati ! OIA * acchati — Assamese -its Formation and Development— B.k. kakati, পৃ ৫৩০ ।


৬। "Bengali aache -is, are- comes regularly from second MIA- acchati < first MIA acchati — ODBL, Suniti Kumar Chatterji P.1035

এ আছ-ধাতু এগোর ব্যাখ্যা অ'ইলে অ'ছে, অ'ছু অ'ছত, অ'ছিল ইত্যাদি ক্রিয়াধাতুগো সম্পর্কেট মীমাংসা অ'র। এ ক্রিয়া এগি অ'ছেতা অ'-ধাতুর লগে ইয়া-প্রত্যয় বারো আছ-ধাতুর রূপ যুক্ত অ'য়া; যেমন, অ'ছু < অ'য়া আছু, অ'ছে < অ'য়া আছে অ'ছিল < অ'য়া আছিল ইত্যাদি। এসাদে অন্যান্য ক্রিয়া অ'ছে উতার দৃষ্টান্ত কতোহান-দেছু < দেয়াছু (প্রাচীন প্রয়োগ) < দিয়া আছু, দেছিল < দিয়াছিল (প্রাচীন প্রয়োগ) < দিয়া আছিল, থছু, < থরাছু (প্রাচীন প্রয়োগ) < থয়া আছু, থছিল < থরাছিল (প্রাচীন প্রয়োগ) < থয়া আছিল ইত্যাদি। উক্ত অ'-ধাতু এগো আছেছেতা এসাদে — সংস্কৃত ভব > প্রাকৃত হো- > বিকৃপ্রিয়া অ'। এপেই উল্লেখ করে পারিয়ার যে, দন্ত্য-স-বাদীয়ে আগে এপেই অস্/অচ্ ধাতু বুলিয়া স্বীকার করেছিল। ঐ মত উহান স্বীকার করলে থছু, দেছু, খাছু, থছিল, দেছিল, খাছিল ইত্যাদি হাবি ধাতুর ক্ষেত্রতৌ' থচ্, দেচ্, খাচ্ ইত্যাদি ধাতু স্বীকার করানি লাগতই। কিন্তু এ সমগ্র দৃষ্টিভঙ্গি এহানেই ভ্রান্তহান। ধাতু বুলভাগাতা কুনো ক্রিয়ায় অতীত বর্তমান, ভবিষ্যৎ,- ইয়া- প্রত্যয়ান্ত,- ইতে- প্রত্যয়ান্ত,- আনি প্রত্যয়ান্ত ইত্যাদি হাবি রূপের ভিতরে সাধা-রণভাবে (Common) থার ধ্বনি বা ধ্বনি সমষ্টি উহানরে। যেমন, কর্-উরি কর্-এছিলু, কর্-তৌ কর্-ইয়া কর্-আনি —এ রূপ এতা হাবিত Common অ'য়া আছে, 'কর্' উহান ধাতুহান। ঠিক উসাদে আলোচ্য ধাতুর ক্ষেত্রতৌ অ'-ছিল অ'-ছু অ'-উরি, অ'-ইতৌ অ'-না, অ'-ইতে, — রূপ এতা হাবিত Common অ'য়া আছে অ'— এগোই ধাতু গো। যেতাউ অ'ক বর্ত-মানে দন্ত্য-স-বাদীয়েউ অ'-ধাতু এগো স্বীকার করিয়া হুদেইলা। আমার যুক্তি এতা অনুধাবন করলে আছ-ধাতু স্বীকার করানি ও মিয়ারম দূরেই নাইতই।

কুনো কুনোগোই করেছে, খাচ্ছে, গেছেগা ইত্যাদি শব্দ এত।
 গ্রাম্য বা অপরিণীলিত উচ্চারণে করেছে, খাছে, গেছেগা
 ইত্যাদিরূপে উচ্চারিত অ'র বুলিয়া এ উচ্চারণে ব্যাখ্যা করা
 ক্রিয়াত দন্ত্য-স দেনার পক্ষে যুক্তি দিতারা ; উহানো সম্পূর্ণ
 অযৌক্তিকহান । কারণ, ছ-ধ্বনি অশবিশীলিত উচ্চারণ এ
 ভাষাত হ-ধ্বনিত 'পরিণত' অ'র—এহান এ ভাষার বৈশিষ্ট্যহান ।
 সংস্কৃত ছন্দ > হাদা ; * এ হন্দেন > এসাদে, এসান্দে >
 এহান্দে — শব্দ এগি আছেছেতা এ বীতিলো । বারো হুদা
 দন্ত্য-স নাগই, তালব্য-শ মূর্চ্ছ-য, খ, ঘ, ক্ষ — ইত্যাদি বণো
 হ-বর্ণত পরিণত অ'র ; যেমন, শিখর > হিয়র, আষাঢ়
 > আহার অক্ষি, আহি ইত্যাদি । এসাদে আরতাউ আমার
 ধ্বনি-পরিবর্তনর নিজস্ব বীতি আছে ; যেমন বাধা > বাধা > ময়াম
 > মিয়াম ইত্যাদি । হাবি ভাষাতো এসাদে নিজস্ব বীতি ধানি
 থাব, যেতা সংস্কৃত বা প্রাকৃত ব্যাকরণলো ব্যাখ্যা করানি সম্ভব
 নাব । উহানলো, সংস্কৃত বা প্রাকৃত ব্যাকরণর ধ্বনি পরি-
 বর্তনলো হাবিতা বিচার করলে নাইতই ; আমার নিজস্ব
 বৈশিষ্ট্য উতাউ বিচারে আনানি লাগতই ।

এ আলোচনাত এহান পদিকার অ'র যে ক্রিয়াত ছ-বর্ণ
 ব্যবহার করানি এহান অত্যন্ত যুক্তিযুক্ত বারো বৈজ্ঞানিক
 বীতিহান । sa উচ্চারণে এ ছ-বর্ণ এগো গ্রহণ করলে bus
 press, cycle ইত্যাদি ইংরাজী শব্দরেউ ঠিক ইংরাজী উচ্চারণ
 বক্ষা করিয়া বাছ. প্রেছ, ছাইকেল— এসাদে ইকরে পারিয়ার ।
 বাংলাত এ sa ছ- ধ্বনি এগো নাথানিয়ে দন্ত্য-স-লো বাস
 প্রেস, সাইকেল— এসাদে ইকরানি অ'রতা— যেহান অত্যন্ত
 অবৈজ্ঞানিক ধারাহান । উহানলো, লমইতেগা ক্রিয়াত দন্ত্য-
 স ইকরতারা গিরিগিধানীর প্রতি চেইচাহান—আপ্পানে নাগই
 জিদ আহান ধরিয়া এ অবৈজ্ঞানিক বানানধারা এহান চলানির
 চেষ্টা নাকরবাও । সত্য বা যুক্তিযুক্ত উহানরে সত্য বা যুক্তিযুক্ত

বুলিয়া স্বীকার করিয়া আশুবোয়া আহিক । উহান অ'ইলে
 একে কই আমার জাতর ভিতরে একতা আহান আহিতই ।
 জিদ ধরিয়া এবাক এ সতা এহান স্বীকার নাকবলেতে সমাজে
 বিচারশীল বা যুক্তিবাদী শিক্ষিত কতোগোর অপেক্ষাঙ্গো আমি
 বাধা অ'য়া আবাক কতো বছর কাটানিত পড়তাগাই ; উতার
 পিছে এ দস্তা -স এগো আপ্রানেউ শূন্যত ভাহিয়া যিতইগা ।



ক্রিয়াত 'ছ'-বর্ণের ব্যবহার

বিষ্ণুশ্রিয়া মণিপুরী ভাষারে বর্ণমালালো একাশ করতেগো ক্রিয়াত 'ছ'—বর্ণ ব্যবহার করানি, না 'স'—বর্ণ ব্যবহার করানি—এ বিতর্ক এহানে সাহিত্য এহানর বানানরে ভীষণভাবে সমস্যার সম্মুখীন করেছে। আমি আগেউ অনেকবার মাতেছি যে, দীর্ঘদিন ধরিয়া হাবি লেখকেউ 'ছ'—বর্ণ এগো ব্যবহার করে আহিতারাগো। বর্তমান লেখকে ডক্টরেট ডিগ্রি পানার সময়স্ত পুরি গিরিগিথানী কতোগোই মানসিক চাপে ক্রিয়াত দন্ত্য-স-ব্যবহার এহানর প্রবর্তন করলাতা। বর্তমানে বিষয় এহান দন্ত্য-স-বাদীরাঙ এমন ইজ্জতর প্রশ্নহান অ'ছে যে, যে কোনো উপায়েই তানুরতা মত এহান টিকেয়া থনা লাগের—বৈজ্ঞানিক চিন্তা বা সাহিত্যর রুচিবোধ হাবি জাহান্নামেউ যাকগা।

এ দন্ত্য-স-ব্যবহার এহান যে সম্পূর্ণ অযৌক্তিক এবং অবৈজ্ঞানিকহান—এ সম্বন্ধে আমি অসংখ্য প্রবন্ধ ইকরেছি; কিন্তু সমাজে বৈজ্ঞানিক চিন্তাধারাত্ত ব্যক্তিগত ইজ্জতবোধ, অহঙ্কার বারো ঈর্ষ্যারূপ মাননিকতার প্রাবল্য অতি মিয়াম অ'নাই আমার বক্তব্য উতার যথাযথ মূল্যায়ন না'র। তবে হাদি হাদিত এ বিষয়ে বৈজ্ঞানিক দৃষ্টিলো চিন্তা করেকুরা বারো বিবেকী মানু আগো ছগো নিকুলে পড়লেগা আমার মত এতাউ গ্রহণ করে বেলতারা। উহানে, অ'ছে অ'ছিল, অ'ইতই ইত্যাদি ক্রিয়াত অস-ধাতু বুলিয়া চিকারি দিলা উতাই লমইতেগা আমার মতে আয়া অ'—ধাতু বুলিয়া স্বীকার করলা। উহানে, দন্ত্য-স-বাদীর ভিতরে ভাষাতত্ত্ব খানি হারপাকুরা বিবেকী বারো বৈজ্ঞানিক চিন্তাসম্পন্ন মানু আরাক আগো ছগো নিকুললে ক্রিয়াত 'ছ'—বর্ণর ব্যবহার এহানো স্বীকার করতাই—এ আশালো আমার ইচ্ছাধীনর বক্তব্য উতারে আরতাউ সরলীকৃতভাবে উপস্থাপিত করিয়া আজি বিবেকর আহ্বান করিয়ার :

১। আমি ছ-বর্ণ বা ছ-ছিন্নল এগোরে উচ্চারণ করিয়ারতা — Sa-রূপে ; Chha-রূপে নাগই ; যেমন—ছবি, ছাত্র, ছন্দ ইত্যাদি সংস্কৃত শব্দরে আমি উচ্চারণ করিয়ারতা—Sabi, Saatra, Sanda—এসাদে ; Chhabi, Chhaatra, Chhanda — এসাদে নাগই । আমার পাঠশালা বা এম, ই ইন্সুলর ছাত্রছাত্রীরে আমি জুর করিয়াউ Chha- উচ্চারণ এহান হিকা নুরারিয়ার — এহান হাখিয়েউ পরীক্ষা করলে হারপেইতাউই ।

২। অন্তবেদে দন্ত্য-স-বর্ণ বা স-ছিন্নল এগোরে আমি উচ্চারণ করিয়ারতা-Sha-রূপে ; Sa-রূপে নাগই । প্রসাদ, আসন, সিংহ—এ সংস্কৃত শব্দ এতারে আমি উচ্চারণ করিয়ারতা prashaad, aashan, shingha—এসাদে ; prasaad, aasan, singha—এসাদে নাগই । বর্ণমালা পাকরতে দন্ত্য-স এগোরে উচ্চারণ করিয়ারতাউ dantya-sha বুলিয়া ; dantya-sa বুলিয়া নাগই । এ sha-ক্ষনি এগো ক্রিয়াত ব্যবহৃত হইলে Sa-ক্ষনি অ'না উহানতে কিসাদে বৈজ্ঞানিক রীতিহান ?

৩। আমি ছ-ছিন্নলগোর উচ্চারণহান Sa-রূপে করিয়ার আরো ক্রিয়াত a'se, aase, aasu, aasil— ইত্যাদি উচ্চারণরে অ'ছে, আছে, আছ, আছিল — এসাদে ইকরিয়ারতা । এ ক্রিয়া এতা দন্ত্য স-গোলো ইকরলে উতার উচ্চারণ অ'ইতইতা - a'she, aashe, aashu, aashil — এসাদে, যেতারে আমি standard উচ্চারণ নাবুলিয়া অপরিশীলিত উচ্চারণ বুলিয়ার ।

৪। যদি পরিশীলিত উচ্চারণ উতা অসে, আসে, আসিল — এসাদে ইকরিয়ার, উহান অ'ইলে অপরিশীলিত উচ্চারণর a'she aashe kareshe, desil— ইত্যাদি শব্দতে কিসাদে ইকরতাউই ? নিশ্চয়ই তালব্য-শ দিয়া অ'শে, আশে, করেশে দেশিল — এসাদে ইকরানি লাগতই ! এতা নিজর জিদ মিটেইতে গিয়া বানানধারারে সম্পূর্ণ বিকৃত করানির পথ ছাড়া কিতাউ নাগই ।

৫। ভাষাতত্ত্বের দিকের ক্রিয়াত ছ'-বর্ণের ভিত্তিগো আরতাই অখণ্ডনীয়। কারণ, আছ-ধাতু বারো-ছে,-ছু,-ছি ইত্যাদি ক্রিয়া-বিভক্তি এতা আহেছেতা প্রাকৃত অচ্ছ-ধাতুত। এহানর বিপক্ষে, কুনো প্রশ্নই উঠে নুরারের — এতা ভাষাতত্ত্বের প্রথম ভাগর কথা। তথাপি দন্ত্য-স-বাদীর জ্ঞাতার্থে নিম্নলিখিত উদ্ধৃতি এহানি দিলাও —

(ক) “অস্তেরচ্ছঃ” — প্রাকৃত প্রকাশ, ১২।১৯ অর্থাৎ প্রাকৃতত (মহারাষ্ট্রী, শৌরসেনী বারো মাগধীত) সংস্কৃত অস্-ধাতু উগো অচ্ছ-ধাতুত পরিণত অ'র। ঐ অচ্ছ-ধাতু উগোস্ত আছ-ধাতু অ'ইলতা পরবর্তী কালে।

(খ) “বর্তমান মে” অস্-ধাতুকে রূপ — অচ্ছই, অচ্ছতি, অচ্ছসি, অচ্ছিহ, অচ্ছামি” ইত্যাদি — প্রাকৃত ব্যাকরণ, মধুসূদন মিশ্র, পৃঃ ১৮৮।

(গ) “আছ-ধাতু < প্রাকৃত অচ্ছ ধাতু” — An Etymological Dictionary of Bergali, Sukumar Sen.

(ঘ) “আছে < অচ্ছই < অচ্ছতি” — বাংলা ভাষাতত্ত্বের ইতিহাস, কৃষ্ণপদ গোস্বামী, পৃঃ ১৩৮।

(ঙ) “aach-is-(MIA acchati; OIA ✕ acchati)” — Assamese—its Formation and Development — B. K. Kakati, পৃঃ ৩৩০।

(চ) “Bengali aache-(is, are)-comes regularly from second MIA—acchati < first MIA acchati” — ODBL, Suniti Kumar Chatterji, P. 1035.

এ আছ ধাতু এগোর ব্যাখ্যা অ'ইলে অ'ছে, অ'ছু, অ'ছত, অ'ছিল ইত্যাদি ক্রিয়ার ধাতুগো সম্পর্কেউ মীমাংসা অ'র। এ ক্রিয়া এগি অ'ছেতা অ'-ধাতুর লগে ইয়া-প্রত্যয় বারো আছ-ধাতুর রূপ যুক্ত অ'য়া ; যেমন, অ'ছু < অ'য়া আছু, অ'ছে < অ'য়া আছে, অ'ছিল < অ'য়া আছিল ইত্যাদি। এসাদে অন্যান্য ক্রিয়া অ'ছে উতার দৃষ্টান্ত

কতোহান — দেছু < দিয়াছু (প্রাচীন প্রয়োগ) < দিয়া আছু, দেছিল < দিয়াছিল (প্রাচীন প্রয়োগ) < দিয়া আছিল, থছু < থরাছু (প্রাচীন প্রয়োগ) থয়া আছু, থছিল < থরাছিল (প্রাচীন প্রয়োগ) < থয়া আছিল ইত্যাদি। উক্ত অ'-ধাতু এগো আহেছেতা এসাদে — সংস্কৃত ভব- > প্রাকৃত হো- > বিষ্ণুশ্রিয়া অ'। এ ক্ষেত্রে দন্ত্য-স-বাদীয়ে আগে অস্-ধাতু বুলিয়া সিদ্ধান্ত করেছিল। ঐ মত উহান স্বীকার করলে থছু দেছু খাছু, থছিল, দেছিল, খাছিল ইত্যাদি হাবি ধাতুর ক্ষেত্রেও থচ্, দেচ্, খাচ্ ইত্যাদি ধাতু স্বীকার করানি লাগতই। কিন্তু এ সমগ্র দৃষ্টিভঙ্গি এহানেই ভ্রান্তহান। ধাতু বুলতারাতা—কুনো ক্রিয়ার অতীত, বর্তমান, ভবিষ্যৎ, -ইয়া-প্রত্যয়ান্ত, -ইতে-প্রত্যয়ান্ত, -আনি প্রত্যয়ান্ত ইত্যাদি হাবি রূপের ভিতরে সাধারণভাবে (common) থার ধ্বনি বা ধ্বনি সমষ্টি উহানরে। যেমন, কর্-উরি, কর্-এছিলু, কর্-তো, কর্-ইয়া, কর্-আনি — এ রূপ এতা হাবিত common অ'য়া আছে 'কর্' উহান ধাতুহান। ঠিক উমাদে আলোচ্য ধাতুর ক্ষেত্রেও অ'ছিল, অ'-ছু, অ'-উরি, অ'-ইতো, অ'-না, অ'-ইতে — রূপ এতা হাবিত common অ'য়া আছে অ'-এগোই ধাতু গো। যেতাউ অ'ক, বর্তমানে দন্ত্য-স-বাদীয়েউ অ'-ধাতু এগো স্বীকার করিয়া হদেইলা। আমার যুক্তি এতা অনুধাবন করলে আচ্ ধাতু স্বীকার করানি ও মিয়াম দূরেই না'ইতই।

কুনো কুনোগোই করেছে, খাছে, গেছেগা ইত্যাদি শব্দ এতা গ্রাম্য বা অপরিণীলিত উচ্চারণে করেহে, খাহে, গেহেগা ইত্যাদিরূপে উচ্চারিত অ'র বুলিয়া এ উচ্চারণর ব্যাখ্যারকা ক্রিয়াত দন্ত্য-স-দেনার পক্ষে যুক্তি দিতারা; উহানো সম্পূর্ণ অযৌক্তিকহান। কারণ, ছ-ধ্বনি এগো স-ধ্বনির মাধ্যমে অপরিণীলিত উচ্চারণে এ ভাবাত হ-ধ্বনিত 'পরিণত' অ'র— (ছ > স > হ) এহান এ ভাষার বৈশিষ্ট্যহান। সংস্কৃত ছন্দস- > ★ সাদা > হাদা, * এ (তদ্) ছন্দেন > এসাদে, এসাদে > এছাদে — শব্দ এগি আহেছেতা এ রীতিলো। বারো

ছদ্দা দন্ত্য-স নাগই, তালব্য-শ, মূর্ধন্য-য, খ, ঘ, ঙ্ক — ইত্যাদি বর্ণের
 হ-বর্ণিত অ-বর্ণিত অ'র; যেমন শিখর > হিরর, আঘাট > আহার,
 অক্ষি > আহি ইত্যাদি। এমাদে আরতাউ আনার ধ্বনি-পরিবর্তনের
 নিজস্ব রীতি-আছে; যেমন, রাখা > রাখা, ময়াম > মিয়াম ইত্যাদি।
 হাবি ভাষাতো এমাদে নিজস্ব রীতি খানি থার, যেতা সংস্কৃত বা
 প্রাকৃত ব্যাকরণলো ব্যাখ্যা করানি সম্ভব না'র। উহানলো, সংস্কৃত
 বা প্রাকৃত ব্যাকরণর ধ্বনি পরিবর্তনলো আমার ভাষার হাবিতা
 বিচার করলে নাইতই; আমার নিজস্ব বৈশিষ্ট্য উতাউ বিচারে আনানি
 লাগতই।

এ আলোচনাস্ত এহান পরিষ্কার অ'র যে, ক্রিয়াত ছ-বর্ণ
 ব্যবহার করানি এহান অত্যন্ত যুক্তিযুক্ত বারো বৈজ্ঞানিক রীতিহান।
 sa উচ্চারণে এ 'ছ' বর্ণ এগো গ্রহণ করলে bus, press; cycle
 ইত্যাদি ইংরাজী শব্দরেউ ঠিক ইংরাজী উচ্চারণ রক্ষা করিয়া বাছ,
 প্রেছ, ছাইকেল — এমাদে ইকরে পারিয়ার। বাংলাত এ sa (ছ-)
 ধ্বনি এগো নাথানিয়ে দন্ত্য-ন-লো বাস, প্রেন, সাইকেল — এমাদে
 ইকরানি অ'রতা — যেহান অত্যন্ত অবৈজ্ঞানিক ধারাহার। উহানলো,
 লমইতেগা ক্রিয়াত দন্ত্য স ইকরতার গিরিগিথানোর প্রতি হেইচাহান —
 আমানে নাগই জ্বিদ আহানলো এ অবৈজ্ঞানিক বানানধার।
 এহানরে ধরিয়া থরা সত্যর অশ্লাপ নাকরবাউ। মনে থইবাউ:
 অসত্য বেলেরা সত্য গ্রহণ করানির সাহস উহান চরিত্রবান মানুষ
 লক্ষণহান; বারো অসত্যরে সত্য বুলিয়া প্রলেপ দেনার চেষ্টা করানি
 উহান জঘন্য নীচ মানসিকতাহান।



মণিপুরী-শব্দত মেইতেই-বিষ্ণুপ্রিয়া

সমান অধিকার ।

অনেক বছর যাবৎ মেইতেই বারো বিষ্ণুপ্রিয়া — এ দ্বিযো শাখার মণিপুরী সম্প্রদায়র ভিতরে পরস্পর আক্রমণাত্মক বিবাদ-বিসংবাদ চলে আহেরতা । কতোদিন পরে পরে এ বিবাদ এহান নুৱা নুৱা করে জাগিয়া উঠেৰ । এ বিবাদ এহানৰ সুমীমাংসার দিকে দৃষ্টি থয়া আজি কথা কতোহান মাতানি মনেইলাও ।

পইলাই এ দ্বিযো সম্প্রদায়ৰ বক্তব্য উহানি তলিয়া ধরিক । বিষ্ণুপ্রিয়াৰ বক্তব্যহানি সংক্ষেপে এহানি : (১) বিষ্ণুপ্রিয়া এতাই মহাভারতৰ অৰ্জুন-বক্তব্যহানৰ বংশধৰ, (২) ভারতৰ পূর্বসীমান্তত বৰ্তমান মণিপুর এহানেই মহাভারততোক মণিপুর রাজ্য, (৩) বিষ্ণুপ্রিয়া এতাই মণিপুর রাজ্যৰ আদিম অধিবাসী এবং তানুৱেই যথার্থ মণিপুরী । (৪) মেইতেই এতা পাহাড়িয়া এবং নিম্নস্তয়ৰ জাত আহান ; তানু মাত কয়েকশ' বছৰ আগে পাহাড়েত লামিয়া মণিপুর দখল করেছিল ; উহানে তানু যথার্থ মণিপুরী নাগই, বারো তানুৰ ভাষাহানো যথার্থ মণিপুরী ভাষাহান নাগই ।

মেইতেইৰ বক্তব্যহানি এহানি : (৫) মেইতেই এতাই মণিপুরৰ আদিম অধিবাসী এবং তানুৱেই যথার্থ মণিপুরী । (৬) বিষ্ণুপ্রিয়া এতা অল্প কয়েক শ' বছৰ আগে পশ্চিম বারাদেত মণিপুৰে হমাছিল । তানুৰ কোনো কোনোগো যুদ্ধবন্দী, কোনো কোনোগো নিম্নশ্রেণীৰ বাঙালী । গতিকে তানু যথার্থ মণিপুরী নাগই এবং ঐ কাৰণে তানুৰ ভাষাৰ নাঙহানৰ লগে 'মণিপুরী' শব্দগো যুক্ত করানিও অৰ্যোত্তিকহান ।

এবারে বক্তব্য এতাৰ বিচাৰ আহানি করিক : (১) বিষ্ণুপ্রিয়াৰ প্রতি প্রশ্ন আহানি — 'বৰ্তমান মণিপুর এহানেই মহাভারতৰ মণিপুর' বারো 'বিষ্ণুপ্রিয়া এতাই অৰ্জুন বক্তব্যহানৰ যথার্থ বংশধৰ' — এ

দ্বয়োহানি মতর গজেই কি তাম্র মণিপুৰীত প্রতিষ্ঠিত ? উহান অ'ইলে আমি মাতানি মনেয়ারতা — অতি সীমিত কতোগো ঐতিহাসিকেই বর্তমান মণিপুর এহানরে মহাভারতর মণিপুর বুলিয়া মাততারা — উহানো অনেক কষ্টকল্পনার গজে নিভ'র করিয়া । অন্তবেদে অধিকাংশ ঐতিহাসিকেই এ মণিপুররে মহাভারতর মণিপুর বুলিয়া স্বীকার নাকরতারা । এ অবস্থাত যেতাই দ্বিতীয় মত এহান পোষণ করতারা, তাম্র দৃষ্টি'ত বিষ্ণুপ্রিয়া'রে মণিপুৰী বুলিয়া স্বীকার করানি না'ইতই । আর যদি কোনো সময়ত যথার্থতই সিদ্ধান্ত অ'র যে, এ মণিপুর এহান মহাভারতর মণিপুর নাগই, উহান অ'ইলে বিষ্ণু-প্রিয়া'র মণিপুৰীত চিরকালরকা খালাস অ'নাত পড়তই । এ ধরণর অনিশ্চিত ইতিহাসর গজে নিভ'র করিয়া অনিশ্চিত ভবিষ্যতর দিকে অগ্রসর অ'না এহান নিশ্চয়ই বুদ্ধিমানর কামহান নাগই ।

(২) কারিগরি, প্রযুক্তি-বিজ্ঞান বারো বৈজ্ঞানিক চিন্তা-ধারায় পাহিয়া যারগা এ বিংশ-শতকর অন্তভাগে আয়া নিজর সমাজর শিক্ষাদীক্ষার মান নির্ণয় নাকরিয়া অর্জুন-বল্লবাহনর বংশধরত্বর দাবীলো নিজর গৌরব প্রতিষ্ঠা করানির চেষ্টা উহান কি দুইশ' বছর আগেকার পুরাণা অন্ধ চিন্তাধারাহান নাগই ? এতা কি নিজরে নিয়াম আধুনিক যুক্তিবাদী বুলিয়া নিঙকরতারা উতারাও আধুনিক শিক্ষার নিদারুণ অপমানহান নাগই ?

(৩) আরাক কথা আহান স্পষ্টভাবে হারপানি লাগতই যে, বর্তমান মণিপুরর ইতিহাসে সপ্তদশ শতকর আগে কোনো আকপেয়ো 'মণিপুর' বা 'মণিপুৰী' শব্দ নাপেয়ার । কারণ, ও সময়ত মণিপুরর conception এহানেই নেয়'ছিল — বর্তমান মণিপুর এহান ও সময়ত খুমোল, মোইরাঙ, আডোম ইত্যাদি ছোট ছোট রাজ্যত বিভক্ত আছিল । বিষ্ণুপ্রিয়া'র প্রাচীনতম (১৫ শ শতাব্দী) লোকসঙ্গীত 'বরণ-ডাহানির এলা' উহানাতো মণিপুরর নাও নেই : আছেতা খুমোল রাজ্যর নাও । 'মণিপুর' নাও এহান আহেছেতা সপ্তদশ-

অষ্টাদশ শতকে। ত্রিপুরার রাজমালাই মাতেৰতাতে ‘মনিপুর’ নাও এহান দিয়াছিল। শ্রীহট্টর বাঙালীয়ে — মাত্র অষ্টাদশ শতকে।

(৪) আমি আমার বিভিন্ন প্রবন্ধ বারো গ্রন্থে পরিষ্কারভাবে মাতেছি যে, মেইতেই বারো বিষ্ণুপ্রিয়া — এ দ্বিযোতাউ বর্তমান মনিপুরর প্রাচীন অধিবাসী এবং মেইতেই বারো বিষ্ণুপ্রিয়া এ দ্বিযো ভাষাউ মনিপুরর বকে সৃষ্ট অ’ছেহানি; গতিকে এ দ্বিযো সম্প্রদায়ৌ মনিপুরী, বারো উভয় সম্প্রদায়র ভাষাউ মনিপুরী ভাষা।

(৫) মেইতেই ভাষা মনিপুরর বকে সৃষ্ট অ’ছে — এ সম্বন্ধে কারো কোনো সন্দেহ নেই। বিষ্ণুপ্রিয়া ভাষার সৃষ্টি অ’ছেতাউ মনিপুরর বকে। বিষ্ণুপ্রিয়া ভাষা এহান ভারতীয় আৰ্যভাষা বারো মেইতেই ভাষার মিশ্রণেত্ত উৎপন্ন অ’ছেহান। এ ভাষা এহান অষ্টাদশ শতকর আগে আছিলতা। একমাত্র মনিপুরে; মনিপুরর বাহিরে আকপেয়ৌ ভাষা এহান নেয়’ছিল। অষ্টাদশ শতকর শেষভাগে এবং উনবিংশ শতকর প্রথম ভাগে মনিপুরর রাজপরিবারর ভিতরে অন্তর্দন্দ্ব বারো ব্রহ্মদেশর আক্রমণর ফলে বিষ্ণুপ্রিয়াই মনিপুর এরদিয়া কাছাড়-ত্রিপুরা-ছিলটে আশ্রয় নিলাগা। উবাকা তানু ভাষা এহানর পরিপূর্ণ রূপ উহান নিয়াই আহেছি। গতিকে ভারতীয় আৰ্য বারো মেইতেই ভাষার পূর্বোক্ত সংমিশ্রণ উহান অ’ছেতা মনিপুরর বকেই — এ বিষয়ে বিন্দু আহানৌ সন্দেহ থানা থক নেই। অর্থাৎ বিষ্ণুপ্রিয়া ভাষার উৎপত্তি অ’ছেতা মনিপুরর গজেই; আর কোনোপেয়ৌ নাগই।

(৬) কোনো কোনো মেইতেই গিরিগির্থানীয়ে মাততারাতি — বিষ্ণুপ্রিয়া এতা মনিপুরর প্রাচীন অধিবাসী নাগই; উহানে তানু মনিপুরী নাগই। আরাক আকতাই মাততারাতি — বিষ্ণুপ্রিয়া ভাষা এহান মনিপুরে সুপৌ নেয়’ছিল; গতিকে এহান মনিপুরী ভাষাহান অ’না সুরারের। কিন্তু এ মত দ্বিযোহানৌ অযথার্থহানি। সংক্ষেপে মাতিক বুললে: মেইতেইয়ে বিষ্ণুপ্রিয়ায় ‘ময়াঙ’ বুলতারা; মনিপুরে এ ময়াঙ এতার ইতিহাস কম করে অ’ইলেউ বারো-চৌদশ’ বছরর।

মণিপুরৰ হাকিম ইতিহাসে এহানৰ সাক্ষ্য বহন কৰে। এ ময়াজ এতাৰেই বিষ্ণুপ্ৰিয়া নাঙহান দেনা অ'ইলতা অষ্টাদশ শতকে — এহান খুমোল পুৰাণ বারো অগ্ৰাণ্ণ মণিপুরৰ ইতিহাসৰ কথাহান। গতিকে মণিপুৰে বিষ্ণুপ্ৰিয়াৰ আচীনৰ অস্বীকাৰ কৰানিৰ কুনো যুক্তি নেই। বিষ্ণুপ্ৰিয়া ভাষা যে মণিপুৰে আছিল — এ বিষয়েউ কুনো বিতৰ্ক উঠে নুৱাৰে। মণিপুরৰ যে কুনো ইতিহাস — বিশেষ কৰে য়ুৰোপীয় লেখকৰ লিখা গ্ৰন্থ খুললেই মণিপুৰে বিষ্ণুপ্ৰিয়া ভাষাৰ উৎপত্তিৰ কথা পেয়াৰ।

(৭) বিষ্ণুপ্ৰিয়া বারো মেইতেই — এ দ্বিযো গোছিয়ো মণিপুৰে আহেছিতা বাহিৰেও। গতিকে, দ্বিযোতাৰ ভিতৰে কুনো সম্প্ৰদায় আহান আগে আহিতাই, বারো বাকী সম্প্ৰদায় উহান পিছে আহিতাই — এহান স্বাভাবিকহান। কিহ উতা বুলিয়া যেতা পিছে আহেছি উতাৰ মণিপুৰীত্ব অস্বীকাৰ কৰানি উহান অৰ্যোক্তিকহান। মুসলমান এতাৰ ভিতৰে অনেকই ভারতে আহেছিতা মান হাজাৰ বছৰ আগে; উতা বুলিয়া কি কুনোগোই তাহুৰ ভাৰতীয়ত্ব অস্বীকাৰ কৰে পাৱতাই? উহানলো আমি মাতিয়াবতা — কংগো আগে আহেছি, কংগো পিছে আহেছি — কংগো আসল, কংগো নকল — এতালো বিবাদ-বিসংবাদ কৰানি উহান যুক্তিবাদিতাৰ লক্ষণহান নাগই।

(৮) আগেই মাতানি অ'ইল যে, 'মণিপুর' নাঙ এহান আহেছিতা সপ্তদশ-অষ্টাদশ শতকে। এবং যেহেত মেইতেই বারো বিষ্ণুপ্ৰিয়া — এ দ্বিযো সম্প্ৰদায়ো এ সময় এহানৰ বহু শতাব্দী আগেলৈ ৰাজ্য এহানাত বাস কৰিয়া আহিতাৰা, ঐ কাৰণে এ নুৱা নাঙ এহানাত দ্বিযো সম্প্ৰদায়ৰতাউ সমান অধিকাৰ আছে বুলিয়া স্বীকাৰ কৰানি লালতই। যদি কুনো সম্প্ৰদায় আহানে আৱাক সম্প্ৰদায় আহানৰ মণিপুৰীত্ব অস্বীকাৰ কৰতাৰা, উহান অ'ইলে উহানৰে অত্যন্ত হুঃখজনকহান বুলিয়া মাতানি লাগতই।

(৯) বিক্ষুব্ধিয়ারে উদ্দেশ্য করিয়া মাতানি মনেয়ারতা — উপরোক্ত ঐতিহাসিক মত এহান সূর্যর সাদে ভাস্বরহান ; মত এহান কুনো যথার্থ ঐতিহাসিকেই অস্বীকার করে মুরারতাই । এ সত্য মত এহানলো আগুরেইলে তানুর মনিপুরী অতি সহজেই প্রতিষ্ঠিত অ'র । এ সহজ মতবাদ এহান গ্রহণ নাকরিয়া অনির্ধারিত এবং সন্দিগ্ধ মত আহানলো অজুনর বংশধর বুলিয়া চীৎকার করানির প্রয়োজনহান কিহান ? 'মনিপুরী' নাঙ উহানাত তানুর অধিকার প্রতিষ্ঠা করানি উহানেই তানুর সামাজিক প্রয়োজনহান ; তানু অজুনর বংশধর, না কিতা — উহান নির্ধারণ করানি উহান 'তানুর কামহান নাগই, ঐতিহাসিকর কামহান । ঐতিহাসিকে উতালো গবেষণা করোকা ; উহানরে সামাজিক সমস্যাহান বুলিয়া 'চিন্তা করানি উহান অন্ধতাহান । পৃথিবীর অসংখ্য জাতর প্রাচীন তথ্য অন্ধকারে আচ্ছন্ন ; উতালো ঐতিহাসিকর মাথাবাথা অ'ইতে পারে ; কিন্তু উতাই কুনো সমাজর অগ্রগতি ব্যাহত নাকরেক । উহানলো, এসাদে ইতিহাসর বিষয় আহানরে সামাজিক সমস্যাহান হওকরিয়া সমাজে বাদবিসংবাদ করানির কুনো যৌক্তিকতা নেই ।

(১০) মেইতেইর প্রতি প্রশ্ন আহান — বিক্ষুব্ধিয়ারে মনিপুরী বুলিয়া স্বীকার করলে তানুরতা কিহান ক্ষতি অ'রতা ? আমিতে তানুর লাভ ছাড়া ক্ষতি কিতাউ নাদেহিয়ার । দ্বিযো সম্প্রদায়েউ পরস্পররে মনিপুরী বুলিয়া মানিয়া নিলেগা দ্বিযো সম্প্রদায়রতাউ সামাজিক পরিসীমা বৃদ্ধি পেইতই ; তার ফলে নৃত্য-গীতাদি সাংস্কৃতিক ব্যাপারে এবং অন্যান্য হাবি ক্ষেত্রে পারস্পরিক সহায়তার মাধ্যমে দ্বিযো সমাজরতাউ মঙ্গল অ'ইতই ; কারতাউ কুনো লোকসান নেই ।

(১১) সর্বশেষে মেইতেই এবং বিক্ষুব্ধিয়ারে এ দ্বিযো সম্প্রদায়র তানুর প্রতি মোর মানবিক আবেদন আহানি — (ক) বিগত কয়েক শতাব্দী ধরিয়্যা আমি একই সঙ্গে একই আসরে একই

সমাজভুক্ত অ'য়া আহাৰ-বিহাৰ, ধৰ্মীয় অনুষ্ঠান, নৃত্যগীত, রাসকীর্তনাদি করে আয়ার। (খ) মনিপুরৰ পূৰ্বপ্রান্তৰ বাংলাদেশ পেয়া যে কোনো ফামে গেলগা দেখতাঙাই — দ্বিযো সমাজেউ চলেৱতা একই আৱতি — 'আৱতি ব্ৰজৰাজ নন্দকুমাৰ' বা 'জয় যুগলকিশোৰ'; দেখতাঙাই — দ্বিযো সমাজেউ চলেৱতা প্ৰাৰ্থনা আকহান — 'ব্ৰজবধ-প্ৰাণনাথ'; দেখতাঙাই — দ্বিযো সমাজেউ ৱাগো আকহান — 'তাই ৰি না তো না'; দেখতাঙাই — ৱাসৰ ভঙ্গি আকহান — 'নাচত নাগৱীনাগৱী'। (গ) অন্য সমাজৰ লগে বিবাহৰ মাধ্যমে সামাজিক সম্বন্ধ স্থাপন কৰানি বিষ্ণুপ্ৰিয়া সমাজে সম্পূৰ্ণ নিষিদ্ধ, কিন্তু মেইতেইৰ লগে তানুৱতা নিৰ্বাধে সামাজিক পদ্ধতিলো বিবাহ অ'ৰ — বিশেষ কৰিয়া ব্ৰাহ্মণ সমাজে এহান সম্পূৰ্ণ স্বাভাবিকহান। (ঘ) মনিপুৰী নৃত্য, মনিপুৰী ৱাস, মনিপুৰী কীর্তন ইত্যাদি কুণ্ডিলো দ্বিযো সম্প্ৰদায়ৰ মানুহেউ সমানভাবে গোঁৱৰ অনুভৱ কৰতাৰা এবং দ্বিযো সম্প্ৰদায়ৰ শিল্পীয়েউ সমানভাবে বহিৰ্দেশে কুণ্ডি এতা প্ৰচাৰ কৰতাৰা। — এতা হাবি জলন্ত সত্য এতা কিয়া আমি ভাবিয়া নাচেয়াৱতা? কোনো দূৰ দেশে দেখা অ'ইলে কি আমি পৰস্পৰে আত্মীয় বুলিয়া কাদাত চেপকৱানি নামনেয়াৰ? আমি দেখিয়াৱতাতে, দ্বিযো সম্প্ৰদায়েউ এ পৰণৰ অনুভূতি সমানভাবে বৰ্তমান। এসাদে বাস্তৱ সত্য ৰাৱো বাস্তৱ অনুভূতি এতা হাবিত জলাঞ্জলি দিয়া আমি পৰস্পৰ বিবাদে লিপ্স অ'য়া পৰস্পৰৱাঙতো দূৰেই অ'ঘিয়াৱগা — এহান কি অতান্ত মৰ্মান্তিকহান নাগই? আত্মিক, এসাদে বিবাদ এতা ৰেলেয়া পৰস্পৰে মনিপুৰী বুলিয়া স্বীকাৰ কৰিয়া আমি বা-ৰো বহন্তৰ সমাজ আহান গঠন কৰিক — বা-ৰো আগেকাৰ সাদে আমি তিলয়া ৱাসকীর্তন ৰাৱো নৃত্যগীতৰ অনুষ্ঠান কৰিক।





